



قطاع الثقافة

الأعمال الكاملة للدكتور مصطفى محمود

الإنسان والظل

المكتبة العربية
www.tipsclub.net
amly

دكتور مصطفى محمود

دار

أخبار اليوم

قطاع الثقافة
والكتب والمكتبات

رئيس مجلس الإدارة :

محمد عهدي فضلي

الدكتور مصطفى محمود

الإنسان والظل

مسرحية من فصلين

دار أخبار اليوم
قطاع الثقافة
جمهورية مصر العربية
٦ شارع الصحافة القاهرة
فاكس : ٢٥٧٩٥٨٩٦

شخصيات المسرحية

رحمى سعودى / قاض ٥٠ سنة.

كوثر : زوجته ٢٥ سنة .

توفيق : مُحام ابن عم كوثر .

ام رحمى : والدّة القاضى .

فضل الشرقاوى : مُتهم حُكم عليه بالإعدام .

حاجب المحكمة

بوسطجى

متهمون آخرون حُكم عليهم بالإعدام فى أحكام سابقة وشُنقوا .

تصميم الغلاف :

د. عبد الكريم محمود

برولوج الوقت نهارا

المنظر

منصة القاضي فيها المستشار رحى سعودى إلى جانبه عضوان
عضو يمين ، وعضو يسار ، بينما تفتح الستار يلقي النور الكاشف على
وجه المستشار رحى ونراه يقوم ليلقى بالحكم .

رحى : باسم الأمة : حكمت المحكمة على المتهم فضل
الشرقاوى حضورياً بالإعدام .

[ضجيج يشمل القاعة عند سماع كلمة «حضورياً»
ويغرق صوت القاضي]

صوت امرأة : برىء ياسعادة البيه .. برىء برىء ..

صوت الشرقاوى : لا .. أنا قتلتته .. قتلتته .. بإيديا دول .. ولو شفتة
قدامى حاققلته تانى [يصرخ] فين هوه وأنا أقتله
تانى .. فين هوه وأنا أقتله تانى ..

[ظلام تدريجى على المسرح واختفاء تدريجى
للصوت حتى يختفى المنظر تماما]

الفصل الأول

الوقت : مساء

[تزاح الستار للمنظر الثاني في بيت القاضى
رحمى .. غرفة مكتب ستيل واسعة أنيقة ..
مكتب كبير منقوش بالأويمة طراز قديم وكتب
على رفوف بالجدران .. ساعة حائط وستارة
على النافذة عدد من الكراسى الجلدية .. صورة
لرحمى فى روب القضاء والوشاح الأخضر ذى
الهلال والنجوم .. باب الغرفة مفتوح ونرى من
خلاله بوضوح أم رحمى تصلى على سجادة فى
الغرفة الأخرى .. زهريات ورد كبيرة فى كل مكان .
كوثر تقطع الغرفة ذهاباً وإياباً فى عصبية ..
ثم تتوقف لتلتفت حولها .. تضع يدها على
أذنيها .. ثم تعود لتذرع الغرفة فى عصبية ..
يبدو أنها فى أزمة .
نرى الأم تطوى السجادة ونسمع كلمة]

الأم	: يارب .
	[الأم تدخل من الباب .. كوثر تلقي بنفسها بين ذراعيها]
كوثر	: [هاتفة] : أنا مش قادرة استحمل أكثر من كده .. مش قادرة .
الأم	: يابنتى الصبر طيب .
كوثر	: أنا مش عارفة جرى له إيه .. مش ده رحمى .. رحمى اللي متجوزاه من ٣٠ سنة .. رحمى اتغير .
الأم	: يابنتى دى وسوسة شيطان .
كوثر	: تصورى إنه كان حايقتلى .. رحمى .. العاقل الهادى اللي عمره ما رفع صوته عليه .
الأم	: يمكن كان تعبان من الشغل .. وأنت عارفه أنه بيسهر للفجر يقرأ القضايا سطر سطر .. وحرف حرف .
كوثر	: طول عمره بيشتغل ويسهر .. عمره ما اشتكى ولا فقد أعصابه .. إيه اللي غير حاله ؟ حانقول بيشرب .. عمره ما حط الخمرة فى بقه .. حتى السجائر مايدقهاش .
الأم	: ولاد الحرام كثير يا بنتى
كوثر	: وحايجولو منين ؟ وحايشفوه فين ؟ ده مالوش

الأم	: طريق غير شغله .. من البيت للمحكمة ومن المحكمة للبيت .
كوثر	: يمكن فيه حاجة تعباه .. يمكن فيه فى قلبه حاجة .
الأم	: ياريت يفتح لى قلبه .. ياريت يشتكى لى .. كام مرة اتمنيت أنه يقعد جنبى يكلمنى من غير تكليف يحكى لى متاعبه يكاشفنى بعواطفه .. لكن أبداً .. العمر اللي عشناه كان كله تكليف .. ورسميات .. كان دائماً القاضى الوقور المتحفظ .. حتى فى بيته أنا عمرى ما عرفته .. أنا مراته عمرى ما عرفته .
الأم	: أنا أمه وعارفاه .. رحمى طيب وغلبان .
كوثر	: عمرى ما حسيت انه طيب .. اسالى أى حاجب فى المحكمة يقولك إنه بيحكم من غير رحمة .. ماقيش متهم وقع بين إيديه ماخذش إعدام أو أشغال شاقة .. دايماً بيحكم بأقصى العقوبة .. أقصى العقوبة .. وفى البيت معايا ومعاكى ومع الخدامين ما عندوش قلب .. كل شىء عنده بالعقل والمنطق .. حياته مواد .. ولوايح .. وقوانين [تصرخ] لكن احنا بشر بشر بشر !
الأم	: يابنتى أنت جرى لك إيه ؟
كوثر	: [تنهار باكية] : أنا مش عارفة أنا جرى لى إيه ..

أنا باخاف منه .. باخاف أبص في عينيه بيتهيالى
أنه حايقتلنى .. تصورى إنه بيشك فيه أنا مراته
من ٢٠ سنة .. بيشك فيه .

[نرى توفيق داخلا .. شساب أنيق وسيم -
محامى ابن عم كوثر وصديق الزوج]

تعالى يابنى شوف بنت عمك جرى لها إيه .. أنا
مش فاهمة إيه حكايتها .

[الأم تخرج .. توفيق مقبلا على كوثر المنهارة
على الكرسي]

إيه يا كوثر مالك ؟

[مازالت تبكى] : مش عارفة يا توفيق .. حاسة
إنى مش عايشة .. أعصابى ببتهار يوم بعد يوم أنا
باتخنق فى البيت ده .. بتخنق .

توفيق : إيه الكلام ده ؟! انت اتجنتتى ؟! دلوقتى عرفت ليه
بتشتكى من معاملة رجمى اللى اتغيرت .. دلوقت
عرفت مين اللى اتغير ،

كوثر : مين اللى اتغير ؟

توفيق : انت اللى اتغيرتى يا كوثر .. انت اللى جنينتى
جوزك وخليتيه يخرج عن صوابه .

كوثر : ياربىنى أقدر أخليه يخرج عن صوابه .. دنا عمرى

ما قدرت أثر فيه . عمرى ما قدرت أحرك قلبه ..
كان دايماً العاقل الكامل الجامد الشعور اللى
مافيش حاجة تهزه .. كام مرة اتنيت أنه يغلط
عشان أسامحه .. يضعف عشان أقف جانبه ..
احس مرة أنه بنى آدم وأنه له قلب وعواطف .

صحيح هى دى طبيعة رجمى طول عمره .. وهو
طالب فى الحقوق .. وهو فى النيابة .. وهو فى
القضاء : كان دايماً الإنسان العاقل الساكت اللى ما
يتكلمش إلا بحساب .. كان لما يسمعنا نحكى على
مغامراتنا العاطفية يضحك ويقول عواطف إيه اللى
بتكلموا عنها .. وخليتوا إيه للشعراء .. رجال
القانون لازم يبقوا أهل منطق وعقل مش أهل
عواطف ، لكن فى النهاية رجمى اتجوزك .. فى
النهاية حب زى كل الناس .

[فى ألم] : حب : [تخطر إلى توفيق فى حيرة]
تفكر رجمى بيحبنى .. رجمى لما اتجوزنى كنت
بالنسبة له زيك تمام .. مجرد زميل .

لا يا كوثر .
رجمى اتجوزنى لأن الجواز عادة حميدة بيامر بها
العقل والمنطق .. اتجوزنى لأن كل رجل محترم فى
مجتمعنا بيتجوز .

توفيق

كوثر

توفيق

كوثر

الأم

توفيق

كوثر

توفيق

كوثر

توفيق

كوثر

توفيق

توفيق : ده كلام روايات .. أنا مش عارف أنت عاوزه إيه ..
مرة بتشتكى من جوزك لأنه عصبي .. ومرة
بتشتكى منه لأنه بارد مافيش حاجة بتحركه .. أنا
مش فاهم .

كوثر

[تمسح دموعها في كبرياء] : أنت مش فاهم
أى حاجة .. أنت زى كل الرجالة بتتنظر للست على
أنها حته موبيليا .. وتنكر عليها حقها أنها تتكلم ..
تتألم .. تشتكى .. [موسيقى] لو كنت عشت سنة
« وحيد » زى كنت عرفت إيه معنى أنك تبقى عايز
تتكلم .. ونفسك تلاقى حد تكلمه .. ومش لاقى حد
تكلمه .

توفيق

توفيق : [مقبلا عليها في إشفاق ممسكاً بيدها في رفق] :
كوثر .. أنا ما قصدتش أجرك .

كوثر

توفيق : [تبتسم من خلال دموعها] : واحنا صغيرين لما
كنا بنلعب فى الجنية كل الاحبة اتنين اتنين ..
كنت ساعات متلاقيش حد يلعب معاك .. وكنت
تقعد تعيط تحت تكعيب العنب .. فاكرك ؟

توفيق

توفيق : [مبتسماً] : أيوه فاكرك .
كوثر : [سرحانة من خلال دموعها] : وفاكر شعورك
وأنت قاعد لوحدك .. وكل ولد معاه بنت تلعب معاه .

توفيق

كوثر

توفيق

كوثر

توفيق

كوثر

توفيق

كوثر

كنت باحس إني زى اليتيم .

كنت باحس شبابى يتيمة .. زيك وأنت قاعد تعيط
تحت التكعيب .. كنت باقضى الليل سهرانة لوحدى
فى أودتى وهو سهران مع الدوسيهات والقضايا ..
عمره ما فكر أنه بيص لى حتى على أنى قضية
مركونة منسية .. أى مجرم قتال قُتلى كان بيثير
اهتمامه أكثر منى .. كان بيعيش بيفكر فيه ليالى ..
كنت بسال نفسى دايمًا : إيه سر الجفاف الشديد
فى طبعه ؟ إيه السر ؟! أنت صاحبه ياتوفيق .. أنت
لازم تعرف عنه أكثر منى .

أنا فى الحقيقة عمرى ما قدرت أفهمه .

أنت اللى بتقول الكلام ده .. أنت اللى عاشرت أكثر
من « أخوه » وفتحت له قلبك وفتح لك قلبه .

رحمى عمره ما فتح قلبه لحد .

وده بيقى إنسان طبيعى ؟

مش عارف أقول لك إيه [مترددًا .. يفكر] مش
عارف .. يمكن يكون عيان .

أنا برده ساعات باقول إنه عيان .. لكن عيان بإيه ؟
يمكن الإنسان بيقى مصاب بعاة فى الشعور ؟
يبقى عاجز عن الحب زى الأعمى العاجز عن

البصر .. يبقى مولود من غير قلب .
توفيق لا .. أنا قصدي عيان .. عيان .. أنا شفته النهاردة
داخل عيادة دكتور .
كوثر هو طول عمره بيجرى ورا الدكاترة .. والنهاردة
صبح يسأل على دكتور عشان يعالج صباغه .. هو
عايش فى الخوف .. خايف من المرض وهو عمره
ما رقد بمرض .
وخايف من الفقر وهو عمره ما شاف الفقر ..
ساعات بيتهاى لى أنه اتجوزنى من خوفه .. من
خوفه ليموت وحيد .
توفيق كوثر ، ما تظلميش رضى للدرجة دى .. رضى
بيتعذب .
كوثر بيتعذب ؟ أنت بتقول بيتعذب ؟
توفيق لو كان رى ما بتقول من غير قلب كان ارتاح ..
الى بيفقد الشعور والقلب بيرتاح .
كوثر مش قادرة أفهم .
توفيق أنا باحس دايم أنه بيتعذب .. لكن مش قادر
أوصل للسبب .. كل ما أقرب له أحس أنه بيتعذب
عنى ويبخش جوه نفسه .. وكل يوم يبخش جوا
نفسه أكثر .

وأنا يا توفيق .. حاولت تحس بى مرة .. حاولت
تعرف قد إيه أنا باتعذب .
توفيق كوثر ،
كوثر وأنا ايديا ممدوده بالحب والحنان والرحمة ومفיש
إيد بتمتد لى .. وأنا بادق على باب مقفول .. وبكلم
واحد مش بيسمع .
توفيق رضى بيسمع .. رضى بيسمع .
كوثر بيسمع وبيشوف .. وبيحس .. آمال ليه مايقدرش
يحس بيه ؟
توفيق بيتهاى لى كل واحد فيكم بيتكلم لغة مختلفة عن
الثانى .
كوثر نفسى تعرف لغته عشان تفهمها لى .
[صوت رضى يرتفع عالياً خشناً من خارج
المسرح]
رضى أنا قلت مش عاوز ورد .. مش عاوز ورد .. ريحة
الورد بتخنقنى .. بتخنقنى .
[كوثر تفيق على صوت زوجها .. وتتبدل
سحتها ويبدو عليها الغم]
رضى رضى جه [وما تلبث أن تخرج مسرعة]
رضى فى كل حنة ورد .. ورد .. أنا بتخنق .

[صوت من الخارج .. يدخل رحى يده
مربوطة برباط شاش]

رحمى أهلاً توفيق أنا اتاحرت عليك معلش ، أصل
عديت على الدكتور

توفيق إيه ؟ مال إيدك إيه اللي حرجها ؟
رحمى لو حكيت لك مش حاتصدق وحاتقول على
محنون

توفيق [ضاحكا] أهى دى اللي عمرى ما حقولها أبدا
رحمى لكن هى دى الحقيقة [يتهاك متعباً مكدوداً ثم
يقوم ويذهب ويجيء فى قلق ثم يتلفت حوله
قائلاً فى رجفة]

رحمى الهوا ده جاى منين فيه تيار هوا يا ساتر
أنا بردان !

توفيق بردان منين بس ده احنا فى عبر الحر
والشبابيك مقفلة .. مفيش نسمة هوا .

[رحمى يتلفت حوله ليتأكد من أن الشبابيك
مقفلة فعلاً ثم يغمغم]

رحمى كده طيب أب حبيت اتأكد بس أصل أنت
عارف الرومازم لما بيتمكن من المفاصل يلا
السلامة .

[تدخل كوثر حاملة صينية عليها شاي
وساندوتشات يتطلع إليها رحى مرتاباً]

او عى تكونى حطيتى لى سكر [يخرج غلبة من
جيبه] هاتى وأنا احط بنفسى

[يأخذ فنجاناه ويضع فيه فتفوتة سكرين]
إيه اللي تحطه ؟

سكرين احنا دلوقتى فى السن الحرجة
والاسراف فى المشويات بحيب لنا اسكر والوقاية
خير من العلاج

أعوز بالله والله يا أحمى أنا عندى أعيا بالسكر ولا
أنى أعيش طول عمرى آخذ وقاية مه حطى لى
يا أحتى ثلاث تحت حطى روم تيزم ايه وسكر
إيه .. أنت بخير والحمد لله وصحتك كويسة إيه
لارمة الخوف دى العيشة فى الخوف كده الموت
أرحم منها

الموت [ينظر إليه نظرة غريبة] وهو غير الموت ؟
اللى أنت فيه هو الموت

[تسحب كرسيها وتجلس] وأشنع من الموت
الموت على الأقل راحة وإنما العيشة فى العذاب كده
جحيم .

رحمى

رحمى

رحمى

رحمى

رحمى

رحمى

رحمى

رحیمی

[مازال ينظر نظرات غريبة] : جحيم فعلا

هي جحيم .. مين يعرف ؟ يمكن أنا عملت حاجة
أستحق عليها الجحيم .

تَوْفِيقَ

إليه التّخريف ده ؟

رحمی

أمال يعني الناس يتحطوا في الجحيم من غير
سبب

تَوَافِقُ

الناس هما اللّٰى يمحطوا نفسهم فى الجحيم بسوء تصرفهم .. وأنت حكمت على نفسك بالجحيم بوسوستك وخوفك ورعك من كل حاجة

رحمى

[يصفق] : مرافعة عظيمة يا أستاذ توفيق ..

رائع .. براءة .. إفراج يخرج رحى من الجحيم
يفرج عنه حالا [يبتسم وينظر إليها نظرات
غريبة] ياريت الدنيا سهلة كده زى ما هيه سهلة
فى المحاكم .. ياريت ألاقى المحامى اللى يطلعنى
براءة ويفرج عنى [ينظر إليه متوسلا] عندكش
محامى كويس ياخد اللى ياخذه بس يترافع عنى
بذمة ويطلعنى من القلْب الى أنا فيه

تَوْهِيْقْ

[ضاحكاً] حتملح تروح فين يا رحمي .

رحمی

[في ياس] . فعلاً .. حاطع أروح فين ؟ حروح
من نفسي فين .. واطلع منها ازاي .. اشرب

يا توفيق [يناوله فنجائه .. يتلفت حوله في حيرة] ساعات بيتها لى أن كل ده مش حقيقى ، أنا وأنت وكباية الشاى وطعم السكر وابتسامة كوثر ومرارة العلقم اللى جوه قلوبنا والضحك والدموع كل ده مش حقيقى .. حاجة زى حفلة تذكارية بروفة ورا الكواليس خيالات بعد كاسين وسكى .. كابوس بعد أكلة ثقيلة .. تصاوير زى اللى بنشوفها فى كتب الاطفال [يسرح لحظة] ساعات يفكر

[يصمت طويلا في حيرة ولا يتم جملة]

[فی فضول] . بتفکر فی ایہ ؟

Figure 11

۲۰۰۱

Q. 1. 4

5.

و تفهیم

خامی

مَعْقُودٌ

لا مفيش فايدة لا
حقيقهمنى ولا حافهمك

[يَسْتَحِثُّهٗ] ابدأ.. تأكد أني حافهمك

هو خبر عریب .. یکن ما تصدقش .. أنت فاکر
لشرقای ؟

[محاولاً أن يتذكر] : القضية التي حكمت فيها بالإعدام على فضل الشرقاوي .. أيوه فاكرها ،

[یلقی بقنبیلته] . فضل الشرقاوی لسه عایش

[يَقْفُزُ مِنْ كُرْسِيهِ] فَضَّلَ الشَّرْقَاوِي إِلَى

اتشنىق من كام سنة عايش ، أنت بتقول إيه ؟

رحمى

: باقول إنه عايش .

توفيق قصدك عايش فى حياك ؟ أو فى

رحمى

: عايش فى الدنيا .

توفيق إيه الكلام ده أنت حاتحنى ؟

رحمى

أنا باقولك على الحقيقة

توفيق وقلت للدكتور على الكلام ده

رحمى

لا طبعاً

توفيق [ينظر إليه فى إشفاق] رحمى أنت لازم

تأخذ اجازة من الشغل وتستريح أنا عارف أن

قضية السفاح بشدى طولت ونعبتك وتعبتك

أحنا كمان والمرامعات مش حاتخلص والملف اللى

كان صفحتين بقى ألف صفحة وأنت بترهق

نفسك .

رحمى

أنت عايز تقول إن عدى « انهيار عصبي »

توفيق

[فى يأس] على كسيفك أنت حر أنا مش

معقول حابصحك وأنت أكبر منى وأدرى بنفسك

رحمى

مش قولتلك مش حاتفهمنى [يشيح بيده]

عالموم ماترعلش اعتبر الكلام اللى قلته نكتة .

توفيق

نكتة . [ينظر إليه فى دهشة]

أنت مرة من نفسى يا أخى طول عمري

مانكتش ولا نكتة ..

[ما زال ينظر إليه فى عجب] لكن دى بقى

نكتة غريبة قوى .

يعنى مش ساعات بتشوف نفسك فى الحلم حرادة

وتبقى مندهش جداً إزاي أنت حرادة بتاكل

ورق شجر تبقى رعلان ومش مصدق

والآخر بصحى بلاقى نفسى إنسان مش حرادة

رى ما أنت شايف

[ضاحكاً] وايش عرفك إنك إنسان دلوقت

مش حايض أنت حرادة بتحلم أنها إنسان وأك

حاتصحى كمان شوية تلاقى نفسك حرادة

[يشد شعره] لا أنت النهاردة حاتحنى إيه

رأيك فى الكلام ده يا كوثر ؟

أنا مش ماهمة حاجة

أحسن

رحمى

أما لو حكيت لكو على الحكاية التاسيية اللى

حصلت لى حاتعملوا إيه ؟

حكاية إيه كمان ؟

رحمى : حكاية الجرح اللي فى إيدى وسببه .
توفيق : أيوه صحيح أنت ما حكيت لناش على الحرح اللي
فى إيدك .

رحمى : لوقت لكو برضه مش حاتصدقوا .
توفيق : يا سيدى حانصدق .. بس قول لنا .
كوثر : أطلع بره عشان نتكلموا على راحتكم .
رحمى : ليه بقى .. هو أنا تعورت فى كباريه ؟
توفيق : آمال إيه يا أخى حيرتنا !!

رحمى : [يقوم من كرسية ليذرع الغرفة فى شرود]
أبداً .. ولا حاجة .. أصل اتعورت فى اللحم .
توفيق : فى اللحم ؟

رحمى : أيوه فى اللحم .. واحد ضربنى بسكينة فى اللحم ..
صحبت لقيت إيدى مقطوعة والدم نازل منها
[كوثر تنظر إلى توفيق نظرات ذات معنى]

توفيق : رحمى .. أنت حاترجع للنكت تانى .
رحمى : مش قلت لكو أنكو مش حاتصدقوا .
توفيق : رحمى .. أنت لازم تحكى لنا بالضبط إيه الحكاية
أنت مش طبيعى اليومين دول ولازم فيه حاجة
مخبياها علينا .. ولازم تقول لنا عليها .
[رحمى ينظر إليهما .. يبدو عليه الارتباك ولا يتكلم]

رحمى .
[فى ارتباك] . أصل ما فيش فائدة .. ما فيش حد
فيما حاي فهم التانى
ما هو مش معقول كمان تضحك علينا بالكلام
الفارغ بتاع الاحلام ده .. ده كلام ما يخشش عقل .
عقل ؟ عقل مين ؟
العقل المنطقى الحصيف اللي بيصوغ العدالة
وبورينا الحقيقة فى المحكمة كل يوم .
[ساخراً] . حقيقة إيه .. وعدالة إيه .. احنا
حانفنى على بعض .. هو فيه حاجة فى الدنيا دى
اسمها عدالة .. ولا حقيقة ؟

رحمى .
بذمتك فيه فى الدنيا عدالة ؟! القاتل الذكى اللي
بيقتل عينى عينك فى جروب النهب والعدوان حد
بيقول له تلت التلاتة كام .. مش بياخد نشان
وترقية على جريمته .. ويقولوا عنه البطل اللي
دافع عن الديمقراطية والحرية وحرر الشعب من
نير العبودية إلخ .. إلخ .. ما هو كل واحد حايلاقى
له شعار وكلام يقوله ، ومدام معاه أوامر وورقة
ممضية حايقدر يعمل أى حاجة .. يقتل يسرق

ينهب يسجن .. يعنى السفاح بشندى اللى احنا
سجناه بأوراق وأحكام وحديثيات يعنى أنت متأكد
أنه مجرم .. ولما أنت متأكد أنه مجرم صحيح ..
كنت بتدافع عنه ليه وتطلب له براءة .

توفيق عشان يبقى عنده فرصة يقول كل حاجة
رحمى عمره ما كان عنده فرصة يقول أى حاجة أنت
اللى كنت بتتكلم طول الوقت وهو مسلسل فى
القفص .

توفيق [يسكت مأخوذاً : لحظة صمت ثم يقول بارتياح]
وحاتنظر قضية بشدى بالطريقة دى من يوم
ورايح .

رحمى ومين قار لك إنى حانظر قصايا أنا خلاص
طلبت إحالتى على المعاش وتسوية مرتبى .
[توفيق وكوثر يصيحان فى وقت واحد]

توفيق : رحمى !
كوثر رحمى أنت بتقول إيه ؟
رحمى أنا تعبت افعال اللى بيشتيل الطوب على دماغه
بيجبلوا ساعة يبهد ويهام وأنا اتهديت عقلى
اتهد أنا مش فاهم حاجة

توفيق [فى حيرة] مش معقول مش قادر أصدق أن

اللى بيقول الكلام ده هو اللى حكم بالإعدام
والاحكام القصوى بالسجن والأشغال الشاقة على
المئات هو المستشار رحمى اللى بيرغب أعتى
المجرمين.

كان زمان دلوقت المستشار الرهيب أقل شىء
يرعبه صله على الحيط يرعبه دقات قلبه
ترعبه كلمة الحق ترعبه
كلمة الحق ؟

مفيش شىء يخوف قد كلمة الحق يمكن لو
فكرت فى كلمة الحق دلوقت تموت نفسك يمكن
تنتحر .

أنا طول عمرى نافكر فى كلمة الحق ده عملى
حرفتى .

الحق مش ممكن الواحد يحترفه ده له اسم تانى
اللى أنت بتحترفه .. اسمه الباطل .

لا . ده أنت فعلا تعبان أوى
الحق زى الشمس الواحد ما يقدرش يبص فيه
ولو بص فيه بيعمى هتلر الجبار لما بص لوجهه
الحقيقى فى اللحظة الأهيرة صرب نفسه
بالرصاص ماقدرش يبص مرة تانية مقدرش
يواجه الحقيقة

توفيق وأنت شفت الحقيقة .
 رحى أنا إنسان كليل البصر .. أنا شخت .. عجزت .. أنا
 دلوقتى فى المعنى
 توفيق أنت اللى بتقنى نفسك بنفسك
 رحى [يرفع بصره وينظر إلى توفيق وكوثر ولا
 يجيب.. لحظة صمت] : ها أقول لك إيه عمرك
 ما حتقدر تفهمنى
 كوثر انت تعبان يا رحى .. أنت لازم تاخذ أجازة زى
 ما بيقول توفيق .. بلاش المعاش وخذ أجازة .
 العقل له حدود احتمال وانت تعبت نفسك كتير .
 رحى [يضحك ضحكة خافتة] قصدك أنى اتجننت
 . حايـز . مـين يعرف . أنا عاذرك . أنا كمان
 شايف انك اتجننت وشايف الدنيا كلها جنان فى
 جنان .
 توفيق يا رحى اسمع الكلام . أنت لازم تستريح .. أنا
 ها أكلملك واحد دكتور صاحبى كويس فى
 الاعصاب .
 رحى أشكرك .. عارفه .. رحت له
 توفيق رحت له ؟
 رحى لقيته مجنون زى وزيك .

[تنظر فى ساعتها] : رحى .. أنت سهرت
 النهاردة أكثر من اللازم وضرورى تستريح
 صحیح كفاية سهر النهاردة عشان أنت تعبان
 [يقوم متهيئاً للخروج] وأنا ماشى بقى
 إيه مستعجل ليه ؟ رايح فين ؟
 رحى معلش عشان تستريح شوية .. حافوت عليك
 بكرة. أول ما أخلص من الشغل .
 [رحى ينظر إليه فى شروء .. توفيق يخرج
 وهو محزون مهموم مبطل الذهن .. ويودعه
 الاثنان حتى الباب .. رحى مازال ينظر أمامه
 فى شروء.. كوثر تنظر إليه فى خوف .. رحى
 يتمشى فى الغرفة وهو سارح]
 [مازالت تنظر إليه بخوف] أجيب لك كناية
 لبن دافى .. أنت ما اتعشتش
 طيب .
 [تخرج كوثر ويجلس رحى على المكتب ويفتح
 دوسيهاً به مئات الصفحات ويضىء لمبة المكتب..
 ويطفىء النور الكبير .. وينهمك فى القراءة.. ثم
 تدخل كوثر ويبيدها كوب اللبن الدافىء]
 انت حاترجع تانى للدوسيهات دى .. مش قلنا

حاستريخ النهاردة ؟
 رحمى : التعب هو دوايا .. هو المسكن اللى باخده كل يوم
 عشان أنسى .
 كوثر : تنسى ؟ تنسى إيه ؟
 رحمى : أنسى نفسى .. لما باستريخ كل حواسى بتصحى ..
 وأشوف كل شىء بوضوح مؤلم رهيب
 كوثر : يارحمى أنت حاتموت نفسك بالأفكار دى .
 رحمى : هو فين الموت ؟ الواحد يلاقيه فين ؟ ياريت الواحد
 يقدر يموت زى ما بيطفى لمبة المكتب كده .
 [يضغط على زر لمبة المكتب فتتطفى ويسود
 الظلام تماما فى الغرفة .. تصرخ كوثر مذعورة]
 شوعى الضلمة جميلة إزاي .. أهو الموت جميل كده .
 كوثر : رحمى .. عملت كده ليه .. طفيت النور ليه ؟
 رحمى : [فى الظلام] إيه مالك خايفة كده ؟ هى دى
 أول مرة نقعد لوحدها فى الضلمة . أنت نسيتى
 إناحنا متجوزين بقالنا عشرين سنة وكل ليلة بننام
 لوحدها فى الضلمة .
 كوثر : أنا مش خايفة من الضلمة .. أنا خايفة منك
 رحمى : خايفة منى ؟ فيه واحدة تخاف من جوزها اللى
 معاشره وعارفاه ؟

إحنا عمرنا ما عرفنا بعض يا رحمى
 صحيح .. صدقت فى الكلمة دى .. إحنا ساكنين
 مع بعض بس .
 [تصرخ] ولع النور يا رحمى أرجوك .
 وإيه لازمته ؟
 [صوت خطوات]
 [فى رعب] رحمى !
 شوعى الضلمة جميلة إزاي .. مافيهاش ولا كذبة
 واحدة . لو كان الواحد يقدر يمسح حياته زى ما
 ييمسح الاضواء الكذابة دى كانت بقت حاجة
 جميلة .. لو كنت أقدر أمسح صورته من قلبك .
 هو مين ؟
 اللى بتحبينه .
 [صوت خطواته وهو مقبل عليها فى الظلام]
 [تصرخ] رحمى ..
 [يشعل رحمى النور الكبير .. ويكون فى تلك
 اللحظة واقفاً بجوار الباب]
 رحمى .. أرجوك .. أنا عملت إيه عشان تعذبنى
 العذاب ده كله وتعذب نفسك معايا .. لإمتى
 حاستسمر فى الجنون ده [تبكى]

رحمى

لغاية ما نموت

كوثر

أنت عاوز منى إيه .. بتعمل فيه كده ليه .. أنت
بتعاقبنى .. أنا عملت فيك حاجة ١٩

رحمى

حياتنا كلها كذب فى كذب . فيه جريمة أكبر من
كده .. خيانتك لى كل يوم .

كوثر

[تصرخ] أنت محنور . هنك إمتى ومع
مين أنت بتعلم !

رحمى

وانت بتعلمى كمان .. حلم اليقطة الطويل الجميل
بين أحضاناه .

كوثر

أنت مجنون .. أنا مش ممكن أقعد معاك لحظة
واحدة .. أنا طهقت خليك .. اتجنن لوحده .. أنا
سايبالك الدنيا .

[تهرول خارجة وتصفق الباب وهو واقف فى
مكانه لا يتحرك .. وينظر إلى الفراغ فى
شروده .. يمشى ببطء ثم يتهاك على المكتب ..
يطغىء النور الكبير ويضىء لمبة مكتب صغيرة
نورها خافت مظلل الغرفة فى إضاءة خافتة ..
يضع رأسه بين كتفيه] .

[موسيقى تأثيرية تزداد شدة وعنفًا لحظة بعد
أخرى تنشق أرض غرفة المكتب لتخرج منها

الحاجب

مى

هيئة محكمة كاملة من ثلاثة قضاة على
منصة .. وممثل اتهام .. ومحام وحاجب ..
وقفص اتهام .. قفص الاتهام ليس به أحد ..
ونلاحظ أن كوثر هى التى تلبس ثوب ممثل
الاتهام .. وأن توفيق هو المحامى .. كما نلاحظ
أن القضاة الثلاثة والحاجب يلبسون ملابس
المساجين وفى أيديهم وأرجلهم سلاسل ، وعلى
رأس كل واحد لبدة ونمرة نحاس والقضاة
يلبسون وشاح القضاء الأخضر ذا النجوم فوق
هذا الزى .. إضاءة شديدة على المنصة والقفص
وعلى ممثل الاتهام والمحامى .. طول الوقت
رحمى يخفى رأسه بين كتفيه .. ولا يبدى حركة
تدل على أنه يقطن إلى ما يجرى .. الموسيقى
تزداد عنفًا ثم تسكت فجأة ليعلو عليها صوت
الحاجب منادياً المتهم] .

[ينادى] : رحمى محمد سعودى .. [يعود
فيكرر الاسم بصوت مرتفع كالصاروخ] المتهم
رحمى محمد سعودى .

[يجاوب وهو مازال يخفى رأسه بين كتفيه]
أيوه أنا هـ .

[يرفع رأسه .. ولا يبدي اندهاشاً .. وكأنه يعرف ما يجري .. وكأنها ليست أول محكمة يحضرها .. ويقوم متهاكاً ويدخل قفص الاتهام .. صوت غلوشة وهممة]

[يذق المنصة بالشاكوش الخشبي] سكوت من فضلكم

[ممثل الاتهام يقف ملوحاً بيده]

[فى زى ممثل الاتهام] هذا المتهم يا حضرات المستشارين .. هذا الرجل الذى يقف أمامكم فى استكانة وذلة وكأنه ملاك برىء هو مجرم أثيم مخضب اليدين بالدم ، قاتل سفاح قتل عمداً مع سبق الإصرار والترصد أعضاء هذه الهيئة الموقرة .. ففى صبيحة الأحد ١٥ مارس سنة ١٩٤٧ أصدر حكماً بالإعدام شنقاً على سيادة فضل الشرقاوى الذى يتصدر هذه المنصة .. وفى صبيحة

الثلاثاء ٢٠ أكتوبر سنة ١٩٤٨ أصدر حكماً بالإعدام على محمد قناوى ومحمود قناوى وسالم قناوى وسليم قناوى ..

[يشاور بيده على الضحايا واحداً واحداً حيث

القاضى

كوثر

يحتلون مقاعدهم من المحكمة] .

هذا عدا أحد عشر حكماً آخر بالإعدام تأجل النظر فيها لحين حضور المحكوم عليهم .. ستة عشر روحاً من البشر أزفها هذا الرجل شنقاً دون أن يختلج له جفن .. كل روح لم تكن تعنى عنده أكثر من توقيع على دفتر .. وفعل ما هو أبشع من هذا كله .. وأبشع مما يفعله أى قاتل محترف .. كان يزهرق أرواح ضحاياها وهو مزهو فخور معتد وكأنه يقدم خدمة إنسانية .. فعل هذا بكامل قواه العقلية وبكامل وعيه ..

اعتراض من فضلك .. المتهم ينكر بشدة أنه كان بكامل قواه العقلية ، ويقرر أنه كان واقعاً تحت تأثير ..

[مقاطعاً] : دى حجة قديمة .

واقع تحت تأثير إيه .. الحشيش .. والا الكوكايين .. واقع تحت تأثير أشد من الحشيش والكوكايين والمخدرات كلها .. واقع تحت تأثير القانون الجارى .. تحت تأثير العرف الاجتماعى .. وروح العصر . إيه القانون الجارى .. والعرف الاجتماعى .. وروح العصر .

الحامى

للأصغر الشرفاوى

فأصغر اليمين

الحامى

الشرقاوى

كوثر دى كلمات مالهاش راس من ديل .. ثم القانون ده
مش شىء جامد . ليه ماطالبش بتطوير القانون
إذا كان مش مقتنع بيه ؟
القاضى أنا عاوز أسأل المتهم دلوقت بعد إذن الدفاع . هل
كان مقتنعاً بالقانون اللي بينفذه والا لا ؟
كوثر [فى زى ممثل الاتهام] : المتهم يجيب
[رحمى ينظر فى ارتباك]
القاضى [بعد السؤال] هل أنت مقتنع بالقانون اللي
بتطبقه وإلا لا ؟ قول .. قول .. انطق
رحمى [فى ارتباك] : معرفش . [ضحك]
كوثر [فى زى ممثل الاتهام يصرخ] : المتهم مش
عارف حاجة دلوقت ومع ذلك ساعة ما كان هنا
على هذه المنصة .. كان يعرف جيداً .. كان يعرف
لدرجة اليقين والزهو والاعتداد والثقة .. كان
يعرف لدرجة لا تقبر استثناء أو مراعاة .. كان
يشنق متهماً بعد الآخر وكأنه يلهو بسلسلة
مفاتيحه
القاضى [يعود إلى سؤال المتهم] وإذا كنت مش عارف
على حد قولك إزاي كنت بتوضع حيثيات أحكامك .
رحمى [فى ارتباك] : أنا كنت باوضع حيثيات لأن

المتبع إن كل حكم كانت تسبقه حيثيات .. العرف
كان كده .
وفين دورك «ققاضى» .. إذا كان كل عملك هو
مجاراة العرف بدون عقل .. وبدون إدراك ؟
معرفش
هل أنت مدرك أن التوصل من أفعالك لن يجديك
معرفش .
[يقاطع] . بعد إذن القاضى .. أرجو لفت النظر
إلى أن موكلى فى حالة عقلية غير طبيعية .
[ممثل الاتهام يصرخ] أرجو لفت نظر الدفاع
إلى أن المتهم يتستر وراء ادعاء بعدم الكفاية
العقلية .. على المحكمة ألا تسمح بهذا التلاعب .. إن
هذا التلاعب معناه تلاعب بالعدالة .. وسخرية
بهينة المحكمة الموقرة التى تمثل هذه العدالة
[يدق على المنصة بشاكوش خشب] . الكلام
فى مسألة الكفاية العقلية حايرجنا من الموضوع
فضلاً عن أن البت فى هذه المسألة من اختصاص
الطبيب الشرعى فنرجو حصر استجوابنا اليوم
فى الوقائع .. خلينا فى الوقائع من فضلكم
[رحمى يرفع أصبعه طالباً الكلام]

رحمى

[فى ارتباك] انا عاوز أقول

القاضى

اتفضل عاوز تقول إيه ؟

رحمى

أنا وقت إصدارى أحكام الإعدام كنت أعتقد أن

أحكام الإعدام حاتوصل حد لحياة أصحابها

فتريحهم وتريحنا

قاصى يمين

وأنت كنت عايز تخلص منهم ليه . كانوا تابعينك

فى إيه ؟

[ضحك]

رحمى

أنا ماكنتش عايز أتخلص منهم أنا ماليش

مصلحة المجتمع هو صاحب المصلحة

القاضى

: إزاي بقى فهُمْنِي ؟

رحمى

المجتمع هو صاحب المصلحة حاتبقى فيه عدالة

وكل واحد حاتشعر بالاطمئنان لأن كل مجرم

يقتص منه .

[ضحك الجميع]

القاضى

يعنى الحكاية حكاية انتقام وأنت ممثل الانتقام فى

المجتمع عصك الكلب تجرى وراه وتعضه

تبقى كلب زيه [ضحك] هل تعلم أن العدالة

حينما تنزل إلى مستوى المجرم وتتبنى أساليبه

تنحط بنفسها وتفقد معناها الرفيع وتصبح

مجرمة مثه سواء بسواء

اعرف الاحتماعى كان كده وأنا مش عاشر

بوحدى أنا عايش فى رأى عام

لكن أنت طليعة هذا الرأى العام وبوم ما حاتمشى

الطلائع فى المؤخرة يبقى على اندني السلام

العدالة نسبية دايماً ومرتبطة بعصرها

بتقول اعدالة نسبية طيب ليه تقطع قطع مطلق

فى مصير إنسان وتعدمه « إعدام نهائى » ؟

حا أعمل إيه ؟

حطه فى الطور استفيد بيه بقطع حجارة

. والرأى العام ..

الرأى العام حاتمشى وراك وأنت القدوة مين

بيحط الذوق القابونى للناس ؟

مين ؟

[فى ارتباك] مين ؟

رحل القانون اللى عنده ضمير

[يلتفت حوله باحثاً] مين هو ده أنا عمرى

ما شفته

[ضجة وهمهمة فى القاعة]

[ممثل الاتهام] نلفت نظر المحكمة إلى أن جريمة

المتهم أكبر من مجرد سوء فهم لنصوص القانون..
ذلك الرجل كان يصدر أحكامه بدافع من الكراهية
والحقد لا بدافع من الحرص على العدالة.. إن هذا
الرجل الخسيس يكره الإنسان فى أعماق ضميره .
أنا لا أفهم معنى لترديد هذه التهم الجزافية أمثال
هذا الرجل يكره الإنسان .. هذا الرجل عدو
العدالة.. يعنى إيه .. دى كلمات مطاطة وتهم
مائعة.. ممكن تقال لكل واحد .. أنا عايز وقائع ..
وقائع .

المحامى

[ممثل الاتهام يتجه إلى المتهم بقسوة] أنا
أطلب من المتهم الاعتراف بصراحة بحقيقة
الكراهية التى تسود بيته .. بحقيقة العداء والحقد
الذى يخيم على حياته ..

كوثر

[فى ذعر] : دى مشاعر خاصة .. وليس من
حق المحكمة أن تنتهك المشاعر الخاصة لأى إنسان.
الكلام ده تقوله فى محاكمكم .. المحكمة دى شأنها
الأول واختصاصها .. وقائع الشعور .. وقائع
الضمير .. إحنا هنا بنفتش عن الحقيقة جوا القلب..
ماتهمناش الأحراز الللى يظبطها البوليس فى
دولاب المتهم .. إحنا هنا غايتنا التفتيش جوه

رحمى

القاضى

قلبك.. جوا ضميرك .. جوا روحك .

[يشعر بشعور رجل مامور بأن يخلع عريانا
.. يصرخ فى رعب .. وفى صوت باك] مش
معقول .. دا ظلم .. حرام .. حرام .. ربنا ما
يرضاش بكده .. ربنا ما يرضاش بكده .

[ينهار داخل قفصه]

تستطيع أن توفر على نفسك مهانة التفتيش بأنك
تعترف

لقاضى

[ينهار فى قفصه يتلوى من الألم] مش
معقول.. حرام .

رمى

نور

[ممثل الاتهام] : وهكذا ترون يا حضرات
المستشارين كيف يتلوى المتهم من العار والخزى
حينما يستشعر بأن الكراهية الرقواء التى يطلع
بها قلبه توشك أن تنكشف .. إنه لا يجد الجرأة
لأن يراها بنفسه .. لا يستطيع أن يفتح عينيه على
بشاعة حقيقته

[بصوت باك] مش معقول .. حرام .. حرام ..
مش معقول يطلب من إنسان أن يعرض نفسه
عريان بدون ملابس .. بدون جلد .. بدون لحم
حرام .

رمى

ممثل الاتهام [بقسوة] . للمرة الأخيرة أطلب من المتهم الاعتراف بحقيقة الكراهية التي يخفيها بحقيقة الشك والغيرة والحسد والبغص والحقد

رحمى [يصرخ وهو يبكي] . حرام .. [يصرخ مستنجداً] أمى .. أمى .. أمى .

ممثل الاتهام [بقسوة] . وما هو قد عاد طفلاً ينادى على أمه .. رحمى [يصرخ وهو مازال يبكي وينتفض] : أمى .. أمى

[ينفتح باب وتدخل أم رحمى الغرفة تتلفت باحثة عن ابنها من الواضح أنها لا ترى هذه المحاكمة ولا تلقى بالا إلى أحد من الموجودين فيها - وإنما تسرع إلى ابنها وتحضنه] .

رحمى : أمى .. أنت فين يأمى .. [يشاور لها على المحكمة والمنصة والقضاة والمحامي والحاجب .. ولكنها تتبع إصبعه ولا ترى شيئاً]

أم رحمى : إيه يا ابنى .. فيه إيه .. بتشاور على إيه ؟ رحمى : على الناس دول .. مش شايفاهم يا أمى ؟

أم رحمى : ناس مين يا بنى .. مافيش حد غيرنا .. مالك يا حبيبى بسم الله الرحمن الرحيم .

[القضاة والمحامي والحاجب وممثل الاتهام

مازالوا يحملقون فى رحمى .. الضوء الشديد قد انتقل إلى وجه الأم والابن وباقي المحكمة فى ضوء خافت] .

مش شايفة الناس دول ؟

أبدًا يا حبيبى مفيش حد .. أنت لازم بيتها لك [رحمى فى تلك اللحظة يكون جالساً على باب قفصه يتحسس القضبان .. ويحاول أن يتصور أنها قضبان وهمية فى قفص وهمى لا وجود له كل ما يحدث فيه حلم فى حلم .. وهو لا يستطيع أن يصارح أمه بحقيقة مشاعره .. ولكنه يتشبث بها .. ويتعلق بها كالطفل الرضيع]

[ممثل الاتهام يشير بإصبعه فى سخريّة] لقد عاد الرجل السفاح طفلاً يحب على صدر أمه [رحمى يسد أذنيه حتى لا يسمع .. ويخفى رأسه فى كفه حتى لا يرى]

وايه اللى مقعدك على الأرض كده يابنى ؟ [رحمى مازال يسد أذنيه حتى لا يسمع ولا يرى .. ويرفع رأسه أخيراً ويمسك بأمه هاتفاً] .

أمى .. ربنا موجود فى الدنيا يا أمى ؟ طبعاً يابنى ربنا موجود فى كل الوجود .. وهو

أرحم الراحمين .

طيب ليه مش بيرحمنى [يضع رأسه على
صدرها ويبكى] ليه مش بيرحمنى ؟

رحمى

« ستار »

١٠١

رحمى

« فنى »

حسى

« فنى »

حمى

الفصل الثانى

[رحمى فى غرفة مكتبه يروح ويجيء فى
خطوات سريعة قلقة وهو يعصر رأسه بيده ..
توفيق واقف بالباب]

انت جرى لك إيه يا رحمى .. أنت عملت إيه فى
مراتك ؟

[يرفع رأسه] هى راحت لك ؟

[مقبلا عليه] أنت جرى لعقلك إيه ؟

[فى نغمة ذات معنى] هى راحت لك زى كل

مرة [يمسك به ويهزه] قالت لك إيه .. قل لى

قالت لك إيه [فى لهفة وقلق] وراحت لك ليه ؟

وليه كل مرة ماتلاقيش غيرك تروح له .. هى

متجوزاك والا متجوزانى ؟! أنا عارف اللى

بينكو .. أنا عارف ..

أنت حاتخلينى أصدق اللى بيقلولوه الناس

حاتخلينى أقولك إنك اتجننت .

أنا متجننتش .. أنا عارف إنك بتحبتها وإنها

بتحبك .. أنا عايش بتفرج عليكم طول السنين دى

توفيق

: رحى !!

رحى

ليه راحت لك قل لى

توفيق

: عشان مش لاقياك .. عشان مش لاقية حد تكلمه .

رحى

: وأنت الوحيد اللي بتلاقيك .. أنت الوحيد اللي

بتقدر تكلمه .. أنت .. أنت .. دائماً .. وأنا .. وأنا

فين ؟

توفيق

: أنت عمرك ما حاولت تفهمها .. عمرك ما قعدت

معها قد ما بتقعد مع دوسيه مرمى على مكتبك .

رحى

[وهو يصرخ ويشير بإصبعه فى استنكار]

أنت توفيق اللي بتقول الكلام ده ؟

توفيق

: أنت غلطان يا رحى ولازم أقولك على الحقيقة .

رحى

: [يصرخ] وليه متقوليش على الحقيقة كلها ..

ليه ما تقولش إنك بتحبها .. وإنك حرصتها ..

وأغويتها .

توفيق

: [فى كبرياء] رحى ..

رحى

: أأتمنك على بيتى .. سلمتك حياتى ووثقت بيبك

[فى ياس] والنهية ..

توفيق

: رحى أنت اتجننت .

رحى

: أنا عقلت ففتح أنا شفت كل حاجة على

حقيقتها [ينظر إليه فى غل] لكن مش حاسيها

لك لقمة سهلة دى مراتى .. ملكى .. حاجيها

غصب عنها بالقانون .. حظيها فى الطاعة .

أنت بقالك عشرين سنة مسقدها معاك بالقانون

بتحاول تملكها بالقانون .. عملت إيه بالقانون

بتاعك يا مجنون ..

طبعا .. القانون عند الواحد زيك جنون .. واحد

زيك بيدخل بيوت الناس عشان يسرقها

[فى كبرياء مجروح] : أنا مش حا اداغ عن

نفسى .. مش حاقولك أد إيه أنت غلطت فى حقى

لأنك غلطت فى حق نفسك أكثر .. حرمت نفسك

من أكبر نعمة فى الدنيا .. من نعمة الحب .. وبنيت

حياتك على وهم اسمه القانون .

الحب .. عملتوا إيه أنتو بالحب ؟ كذبتوا علينا

باسم الحب . صورتوا لنا وهم أكبر من كل وهم

: [فى إشفاق] : وأنت عملت إيه بالقانون ؟ فى

النهاية بتشك فى القانون .. وتشك فى الناس

وتشك فى الحياة .

[ينفجر] . لانى عرفت اليأس .. علمتوني

اليأس .. علمتوني إنى أكره [يصرخ] أكره أكره ..

كرهت نفسى .. كرهت حياتى .. كرهت الدنيا ..

السنين الطويلة وأنتو قاعدين تبصوا لبعض وأنا

باتفرج [يغطي عينيه] .

توفيق

رحمى

مش معقول مش قادر اصدق ان حيالك المجنور
يصور لك كل ده . [يقترب منه فى إشفاق]
كنت عايز اهرب من الدنيا .. وأعيش فى منفى
" وحيد " ماشفش حد . كنت عايز أنزل فى جب
تحت الأرض واستخيا . [يهزه فى غل] كنت
عايز أقتلك . واقتلها واقتل نفسى [يتركه
ويسرح لحظة] وبعدين بقيت أقول لنفسى .
وأقتلها ليه " ولية أحرك إيدى وأتحمس لاي
عمل " ولية أغضب " ولية أثور ومفيش حاجة
تستحق أن أغضب وأثور " كل شيء بيجيله ساعة
وينتهى كل شيء بيموت انت حاتموت وحبك
حايमत وهى حاتموت وأنا حاتموت إيه الداعى
للعجلة السم فى الكأس اللى بنشره كلنا
دلوقت عرفت قد إيه كوتر اتعذبت معاك ؟
أنا اللى اتعذبت .. وأنتم اللى عدتوني لانكم
عشتوني فى كذبة . كذبة طويلة . مالهاش نهاية
. أنا كنت عايش فى كذبة . أنت معاك حق كل
شيء اتهدم قدام عيبيا . كل شيء أصبح مشكوك
فيه . [تاخذه نوبة جنون] كل الدوسيهات دى
كذب فى كذب [يبعثر الدوسيهات من على المكتب
ويمزقها واحداً بعد الآخر] كل الاحكام دى كذب

توفيق

رحمى

مفيش قانون مفيش عقل مفيش نظام مفيش
حرمة لاي شيء اللى بيقتل فيه قانون يعاقبه
لكن اللى بيحب ويقتل واللى بيحب وينتقم مفيش
مواد تطبق عليه اللى بيحب ويحرب ويحرب
قلوب ويهدم عقور وبيوت مفيش نصوص تعاقبه
الحب " هو إيه عايز أفهم تقدر تفهمنى يعنى إيه
الحب " إيه هو التكيف القانونى لكلمة الحب "

رحمى

أنا رجل قانون . أنا مش شاعر [يبدو فى
عينيه الجنون]

رحمى

[وهو يتذكر] يبقى كلامهم فى محله
هما مين "

هما اللى بيقولوا إن احنا لارم نكتب القانون من
جديد نكتبه كلمة كلمة من جديد
هما مين اللى يقولوا كده "

اللى بيعذبونى .. اللى حطوا إيديا فى الحديد
المجرمين

رحمى

لكن أنا برىء برىء أما ماليش ذنب
أنت بتتحيل حاجات مالهاش لزوم يارحمى

و عبق

حمى

و عبق

رحمى

و عبق

حمى

و عبق

حمى

و عبق

رحمى

و عبق

مسافيش اى حاجة بينى وبين مراتك أقسم لك ..
أقسم لك

رحمى
توفيق

كذب . كذب .. كل شيء كذب
: [يهزه] فوق لنفسك يارحمى .. أنت عايش فى
وهم .. أنت ظلمت نفسك وظلمتنا معاك .

: أنا ماظلمتش حد .. أنا متهم زى زيكو .. فى إيدي
الحديد أهوه [يلوح بيديه كأنهما مغلولتان]

رحمى
توفيق

: حديد إيه ؟
: حاقولك إيه مش ممكن تقدر تفهم .. أنت معذور أنا
كنت زيك وأنا قاعد أحكم على المتهمين من فوق
مصصة القاضى .. عمري ما قدرت أفهم لكن
دلوقتي وأنا فى القفص .. فهمت [يطرق إلى
الأرض مردفاً] فهمت ..

رحمى

: فهمت إيه وقفص إيه ؟
: بعدين حاقولك .. بعد الجلسة .. لما ينطقوا بالحكم ..
حاقولك كل حاجة .

توفيق
رحمى

جلسة إيه وحكم إيه [يشيح بيديه فى يأس
وقد آمن أخيراً أنه يواجه رجلاً مجنوناً] يبقى هي
كان عندها حق .. كانت عايشة وحيدة طول عمرها
فعلاً [ينظر إلى رحمى ثم يتجه إلى باب
الخروج] .

توفيق

س
س

س

رايح فين يا توفيق ؟

[فى يأس] حاستنى بره على ما تخلص الجلسة
[يخرج] .

[تسمع خطواته وهي تباعد رويدا رويدا ..
رحمى يروح ويجيء فى غرفته .. ويبدأ
الحديث مع نفسه هامساً ثم يرتفع صوته
تدرجياً حتى يصيح صياحاً معولاً] .

[فى همس] : كانت عايشة طول عمرها وحيدة
جدا .. وأنا أنا .. [يتجه إلى الجدار] أنا اللي كنت
بخبط على الجدران محدش بيسمعنى [يخبط على
الجدار بكلتا يديه فى جئون مغمغماً فى صوت
معول] قلبى اللي كان بيخبط فوق ضلوعى

محدش بيرد عليه .. حتى دموعى كانت بتتججر ما
تسعنش .. حتى لسانى الأخرس مكانش بيلاقى
الكلام اللي يقوله .. أنا القاضى الأنانى .. [يخبط
على الجدار] الجنان كان بيطلع منى قسوة ..
الحب كان بيطلع منى كراهية .. كنت زى الطفل
الى عنده عامة فى الكلام .. مكنتش باعرف أتكلم
كنت وحيد وحدة الجنون .. كنت باصرخ .

[يخبط على الجدار وهو يصرخ . يجيء صوت
أمة متهدجاً حزينا من الخارج .. تدخل الأم من
اليمين] .

الأم مالك يا بنى
رحمى محدش كان بيسمعنى غير أمى
[أم رحمى تفتح وتدخل تحمل سجادة الصلاة
تحت إبطها]
الأم مالك يا بنى عاير إيه " [تدخل عليه فى حنان
وتحتضنه ويحيطها بذراعيه] .
الأم مالك ؟
رحمى عايزك تدعيلى يا أمى .. عايزك تدعى لابنك
الغبان.
الأم ربنا يجعل لك فى كل خطوة سلامة يا بنى . ربنا
يقدم لك الطيب .. ويوقف لك ولاد الحلال .
رحمى مابقاش فيه ولاد حلال يا أمى
الأم ولاد الحلال كتير يا بنى .. الخير لسه فى الدنيا .
رحمى فين الخير سكته منين ؟
الأم سكته سكة المؤمنين يا بنى .. ربنا بينور للمؤمنين
طريقهم وقلب المؤمن دليله وكل المؤمنين على نور .
رحمى [فى ياس] المؤمنين !!
[ترجع الأم بوجهها إلى الصلاة]
الأم أنا فى كل صلاة بادعيلك يا بنى
[تذهب إلى ركن فى المسرح وتبسط سجادتها]
بادعى لك أن ربنا يفتح لك الباب . [تبدأ فى

..

رحمى

حمى

الصلاة فلا تسمع صلاتها ولكننا نرى تمتمة
شفتيها وحركات يديها والأنوار الكاشفة تتجمع
لتضىء جسمها وهى نصلى فى حين يغرق باقى
المسرح فى الظلمة .. ونسمع صوت رحمى]
وامتى حابفتح الباب ؟
[تخفت الأنوار الكاشفة على الأم ثم تنطفئ فى
حين تضىء بقعة على الأرض أمام رحمى حيث
تنشق الأرض وتخرج كوثر فى ثياب نوم هفافة
تكشف صدرها وذراعيها وعلى كتفها وشاح رقيق
شفاف بطير كأنه جناحان .. ويتهدل شعرها
المصفف فى أنيقة .. البدرة والأحمر والروح
والكحل فى تواليت كامل على وجهها المضىء
الخلو .. تبدو شبيهة بتفاحة آدم]
[يشهق فى انفعال] . كوثر !!
[يتقدم رحمى محاولا الإمساك بكوثر ويلف
حولها ويده على كتفها اليمنى بعد انتهاء
الحركة تضحك كوثر - يتركها رحمى . لا تبدو
كوثر أنها تسمعه .. وإنما هى تتطلع بعينيها إلى
آفاق بعيدة وترفرف بذراعيها كأنها تطير] .
[فى انفعال أشد] . كوثر !! [يمد يده حتى
يلمس وشاحها ثم يصرخ] كوثر ! [يحدث

نفسه في ياس [مش بتسمعى [بنغمة باكية]
 مش بتسمعى عينها سرحانين .. بتضحك [ينزل
 رضى من امام المكتب فترفع كوثر يدها الى اعلى
 فيتقدم رضى ويجذبها من يدها [بتضحك لين ..
 بتفكر فى مين .. مادة ايديها الاتنين لين .. مش
 لى .. دى مش شايفانى .. مادة ايديها لواحد تانى
 [تتقدم كوثر بحركة راقصة تحتضن شيئاً
 ما] له هو للسارق الى سرقها منى [فى ألم
 وهو ينطق بالاسم [توفيق
 [تهتف فى حنان [توفيق
 [تستدير كوثر .. يتراجع رضى فى زعر ..
 يتلفت حوله كأنه يتوقع أن يظهر توفيق ولكن
 لا أحد هناك سواء هو وكوثر]
 [فى حنان أكثر وهى تمد يدها .. وينزل رضى الى
 كوثر ويحتضنها ويلف بها [توفيق حبيبي
 [تركع كوثر] أنا ماليش حد غيرك فى الدنيا أنا
 انتهيت . انا مابليش بيت أعيش فيه أنا عيشة
 مع راجل مجنون .. مجنون . رضى اتحنن يا
 توفيق .. كان حايقلى . فقد عقله خلاص
 [فى استنكار] مش ممكن مش ممكن [يتركها
 رضى] دى جريمة .. حرام حرام ده غلط .

كوثر

كوثر

رضى

حمى

و بر

حمى

و بر

حمى

[تكلمه كأنه توفيق] الحياة كلها غلط فى غل.
 أنا بقالى عشرين سنة عايشة فى الغلط .. لو كنت
 بتحبى مكنتش فكرت فى الصح ولا فى الغلط
 ماكنتش حتى عرفت الصح من الغلط [تقف كوثر
 وتحتضن رضى وتلف به] أنت ماجربتش
 الحب والياس يا توفيق .

[فى استنكار] .. لكن ده جنون !
 [ترجع بظهرها] ارحوك سيبنى اتحنن من
 حقى ابنى اتجر بعد كل الى شفته [تقبل يد
 رضى فى ذلة وكأنه توفيق] الجبور هو أملى
 الوحيد فى الحياة

[فى ألم شنيع] بكر فيه واحد يستعد فيه
 واحد بيتعد بيكم

[تتخطى المسرح] مفيش حد بيتعد بغيرى
 هو استريح . فقد عقله قطع صلته بكل ابعالم
 معدش دارى بحاجة أنا الى عايشة باشوف
 موتى البطء بعينه
 كوثر ' [موسيقى]

توفيق . حبيبي انت أحر أمل لى [تنظر الى
 رضى بانفعال بالغ .. تلقى بنفسها بين ذراعيه ..
 تدفن رأسها فى صدره .. لحظة صمت .. نبكى

كالطفلة على صدره وتغمغم في حرارة [يا حبيبي.. يا حبيبي [تصعد كوثر مع حركة يده حتى تصبح في مواجهته وتنام على رجليه [موسيقى راقصة حاملة]

[ترفع رأسها من بين ذراعيه .. تتلفت حولها وهي نشوانة .. وتنفلت منه في رقة .. تأخذ في التجوال وحدها بين قطع الأثاث تتفحصها حاملة .. يظهر من كلامها أنها تتخيل أنها في بيت توفيق .. وتتأمل قطع الأثاث فيه !]

طول عمري كنت باتخيل البيت الذي أنت عايش فيه والابضة التي بتنام فيها [تضحك كوثر وتنفلت منه حتى تصل أمام المكتب وتركع وتمسك بأحد الكراسي] كل كرسي من دول كنت بانفضه كل يوم في خيالي [تلمس الأثاث] العفش ده أصبح عفشى من كتر ما فكرت فيه .. أنت مالكش حاجة هنا .. كل حاجة هنا بتاعتى .. أنا اللي تعبت فيها .. [تذهب إلى الشماعة] الشماعة دى كنت دايماً بالحلم بيها وكنت أول ما أخش أدور عليها علشان أعلق الشال بتاعى [تمد يدها في آكبة وتخلع الشال الذى تلبسه وتعلقه على الشماعة .. قميص النوم نصف العريان يكشف الآن مفاتن

كوثر

حمى

كوثر

حمى

كوثر

حمى

جسمها الناضج الأنثوى .. دائرة من الضوء تلاحقها في كل تحركاتها وتضيء جسمها المغرى .. تقف وسط الغرفة تتلفت كالطفلة [بيتيها لى أنا واقفة دلوقتى أن كل العمر اللي فات ما كانش حقيقى [موسيقى] بيتيها لى إنى كنت نعسانة وبفتح عيني لأول مرة .. وأنى حقوم البس قوطة المطبخ وأروح وأجهز لك الأكل .. مش معقول أنا هنا من ربع ساعة بس .. أنا هنا من يوم ما اتولدت [تنظر إلى رحمى في شغف وتهمس في حرارة] توفيق . [تهرع إليه وتلقى بنفسها على صدره]

[يصرخ وهو يبعدها في ذعر] مش معقول .. أنت مش شايقة أنت مش شايقة . [تعود لتحتضنه] . أنا مش شايقة أى أحد غيرك يا حبيبي ..

[رحمى يمسكها من عنقها]

أنت مجنونة .

[تحضنه كوثر وتلف به]

أنا مجنونة .. وعازمة أعيش مجنونة على طول .. أرجوك بلاش تعقلنى .. أرجوك .

[يبعدها في خشونة] : لكن ده فطيع [في

صراخ [فظيع] ينهار على أحد الكراسي النور
على كوتر بينما هو في الظلام [وأنا وأنا
ماليش وجود ؟!] يتحسس جسده [أنا !

كوثر

: [تتحسسه في حنان] توفيق !

رحمى

[يصرخ] أنا مش توفيق .. أنا مش توفيق .. أنا
رحمى اللي بيكلمك .. رحمى [يصرخ] رحمى ..

رحمى

توفيق ..

سوبر

ده جنون .. جنون .. [ويهجم عليها]

رحمى

[مازالت تهمس] توفيق .. توفيق

كوثر

[يكممها بيديه في خشونة ويكتم نفسها]

رحمى

اسكتي .. اسكتي - أنا باكره صوتك .. باكرهك ..

باكرهك .. باكرهك .. وحاقتك .. وحاقتك ..

رحمى

[يخف الضوء تدريجياً من على كوتر .. ونراها
تنزل في شق الأرض وتختفي في حين يلمع
الضوء على رحمى الذى يقف مشدوهاً يكمم
بيديه الهواء ويتمتم كالمصعوق وهو يتلفت
حوله وينادى]

رحمى

كوثر .. كوثر [في يأس وصوته باك تظهر الأم
من اليمين] كوثر .. أنت فين رحتي فين .. رحتي
ففين .. أنا .. أنا .. أنا قلت إيه .. أنا قلت إني

باكرهك .. دايماً بأقول إني باكرهك لكن أنا [يبكي]
أنا باحبك .. ليه ما بعرفشى أقولها إلا فى السر ..
كوثر .. كوثر .. مدى لي إيدك .. أنا باغرق في
عالم كله ضلعة .. ضلعة .. حموت وحيد .. يتيم
من غير أمل .. حاموت من غير ما أقولك اللي في
قلبي .

[موسيقى جنازية .. الأضواء الكاشفة تضيء
الأم وهي تصلي وترفع يدها بالدعاء وتحرك
شفتيها ونحن لا نسمع صوتها ولكننا نرى
وجهها الهادئ المطمئن وبديها المرفوعتين
بالعبادة وشفتيها المرتعشتين بالصلاة ..
رحمى يتجه نحوها وينظر إلى وجهها الهادئ
في دهشة ويقول بحسرة]

ليه ما باقدرش أصلى زى أمى ما بتصلى .. أمى
وجهها هادئ .. هادئ .. حتقابل الموت بوجه
هادئ .. وأنا باقابل الحياة وأنا أرتجف .. بشوفها
والبيت فاضى عليها زى الخرابة وهي قاعدة
لوحدها تقول لى .. الدنيا ونس يابنى .. بادور في
البيت .. فين الونس ؟! بيتها لى فيه ناس قاعدين
معاهم بيونسوها ما بلاقيش حد [ينظر إليها
وهي تتمتم بشفتيها] مجنونة مجنونة .. بتكلم

نفسها.. بتكلم مين دلوقت [بصوت مرتفع
وبدهشة] بتكلمى مين يا أمى [يصرخ مرتاعاً]
مين معانا مين معانا
[وهو يتلفت حوله فى الغرفة الخالية] احنا
لوحدنا لوحدنا مافيش حد معانا .. أنا هنا فى
الأوضة لوحدى مافيش حد معاى [موسيقى
تصويرية]

رحمى

[صوت الموسيقى يرتفع رويداً رويداً حتى
يصبح ضجيجاً يصك الأذان ثم يسكت دفعة
واحدة حسين يلوح رحمى بيديه فى يأس
ليست ذلك الضجيج المدوى بداخله .. تلى ذلك
موسيقى رقيقة حزينة .. نأى .. باك معول]
[فى شرود] من زمان واحنا هنا لوحدنا ..
بنسلى بعض بالحكايات ونصبر بعض بالامانى
الحلوة . ونضحك .

رحمى

[ضحكات مسجلة على شريط ركوردر تبدأ
واضحة ثم تدار بسرعة على الخلفية الموسيقية
للنأى الحزين فتبدو ضحكات كاركاتورية
عجيبة]

بنضحك على إيه ؟

بنعيش فى الخوف ..

خافين من إيه ؟ [يذهب ناحية الباب وضع أذنه
على الباب]

فيه حد بيتجسس علينا ..

فيه حد حاطط ودنه على خرم الباب ..

فيه حد حاطط ودنه على قلوبنا ..

بيسمع دبة النملة جوا قلوبنا ..

[بصوت كله أسى] : مفضوحين مفضوحين .

أمى كانت دايماً دايماً دعيلنا بالستر .. فى الستر ..

احنا مفضوحين .. دى مش حياة [يصرخ] دى

فضيحة .. أودى وشى فى

نفسى فى لحظة حلوة أعيشها فى السر من ورا كل

الدنيا .. بعيد عن نور النهار ..

لحظة واحدة أعيشها من غير بطاقة شخصية . من

غير اسم .. من غير عنوان .. من غير نمرة فى

الدليل .. من غير دوسيه .. لحظة أحب فيها وأكره

من غير عينين وأسعين يفضحونى .

لحظة أتكلم فيها من غير واحد تانى على الخط

بيسمعنى

لحظة واحدة أعيشها من غير خوف .. الخوف

فظيع فظيع .

ساعات الانتظار طويلة .

أسى

انتظار النهاية

أنا تعبت من الانتظار ..

عائز أعرف إيه النهاية ..

إيه نهاية ده كله ..

مش قادر أتعذب أكثر من كده .. مش قادر أنتظر

[تجحظ عيناه ويهمس بصوت مجروح] : حستعمل

النهاية .. مش حانتظر ولا لحظة بعد كده .

[يفتح أحد ادراج المكتب فى عجلة وارتيابك وهو

يتلفت حوله ويخرج مسدساً ملفوفاً فى قطعة

قماش يقلب المسدس] أخيراً [يقلب أمام عينيه

فى فرح حيوانى .. يفتح المسدس .. ويخرج

الرصاصات ويتأكد منها ثم يعيدها إلى مكانها..

يداه ترتجفان عيناه جاحظتان .. يضع المسدس

على صدغه]

طلقة واحدة وأخرج منها خروجاً أبدياً [تتسع

عيناه من الذعر] لكن خاخرج أرواح فين [يعيد

المسدس إلى مكانه بالدرج وهو مازال يرتجف

ويهمس [خاخرج أرواح .. أرواح فين .. مين رجع

بعد الموت يقول لنا راح فين ؟

مفيش فائدة .. مفيش حل .. لازم حاقعد هنا للأخر..

لآخر الجلسة .. لآخر المحكمة .. آخر ورقة فى ملف

التحقيق [يلقى برأسه على المكتب فى استسلام

واسترخاء ويغمض عينيه]

يخفت الضوء على المسرح رويداً رويداً .. ونسمع

صوتاً يهتف (محكمة) .. وتنشق أرض الغرفة

لتخرج منها هيئة المحكمة التى رأيناها فى الفصل

الأول بنفس ملابس السجن التى ظهرت بها

تظهر كل شخصية منها فى حالة من الضوء التام [

[ينادى] ، رحمى سعودى [لا أحد يجيب ..

يعود إلى المناداة بصوت عصبى حاد يصك

الأسماع] . المتهم رحمى سعودى

[يرفع رأسه ويجيب فى تبحج وعصبية]

مش موجود .. [يصرخ فى تحد] مش موجود

[كل أعضاء المحكمة يشيرون بأصابعهم إليه ..

يتقدم الحاجب ويمسك به من كتفه ويسحبه

إلى قفص الاتهام حيث يلقى به]

[فى زى ممثل الاتهام .. يتركز عليها النور

ويخفت على الوجوه الأخرى] المتهم ينكر

نفسه.. المتهم وصل به الإجماع إنه ينكر وجوده .

[يهب واقفا فى تحد] . أنا حر فى إنكار ما لا

يعجبنى .. [يضحك المستشارون .. ويتمايل كل

واحد على الآخر وهو يضحك وتنتقل ضحكاتهم

..

..

..

..

حتى تشمل هيئة المحكمة كلهم]
القاصى الشرقاوى : حر .. ؟ [يضحك] حر إزاي بقى .. آمال القفص
ده إيه ؟
رحمى : أنا أنكر شرعية المحاكمة دى كلها .
الشرقاوى : تنكرها بصفقتك إيه ؟
رحمى : بصفتى رجل قانون .
[يعود المستشارون إلى الضحك]
القاصى الشرقاوى : [فى سخرية] رجل قانون [يضحك] أنت
مجرم يابنى .. أنت معتقل .. أنت مطلوب إعدامك .
رحمى : [فى حدة] أنا متنازل عن الحياة اللي عايزين
تعدموها .. مش عايزها خدوها .. أنا شايف أنها ما
تساويش حتى أجرة الدفاع عنها .. ما فيش لازمة
تتعربوا نفسكو فى محاكمة وشهود ومحاضر
وجلسات .. أنا متنازل .. ومستعد لرد كل المكاسب
اللى كسبتها فى الحياة التافهة دى . بما فى ذلك
العدالة المقدسة اللى يتمثلوها .. [يصرخ] طظ
فيكم كلكم ، وظ في الدنيا بتاعتكم .
[تنفجر المحكمة فى ضحك مجلجل متصل] .
رحمى : [يصرخ] أنا حاموت فى الوقت الللى أنا عايزه
[الشرقاوى يضحك والمستشارون يضحكون]
رحمى : [يصرخ] أنا حاموت فى الوقت الللى أنا عايزه .

[يحاول أن يخلق نفسه فى القفص .. يهجم
عليه الحاجب] .
[تملأ على كاتب الجلسة بصوت جوهري]
جريمة شروع فى قتل اكتب عبد فى المصطة
التهم شرع فى قتل نفسه .. وبذلك تصبح عدد
جرائمه ١٧ جريمة قتل .
[يصرخ باكيا] أنا حر فى نفسى .. أنا حر فى
حياتى .. أنا مش عايز أعيش .. أنتو مالكو .. ده
حقى .
الحياة من شأن الله وحده هو الذى يعطيها وهو
الذى يأخذها
[يسقط على ركبتيه] . يارب ارحمنى .
اليوم يسقط المجرم على ركبتيه طالباً من الله
الرحمة .. وبالأمس كان يمشى معتداً جباراً لا
يرحم
هو أنتو حاتحاسبونى عايزين منى إيه ؟
عايزين تعلمك العدالة ؟
أنا استقلت خلاص .. سبت كرسى العدالة ..
نفضت إيدي من العدالة .
واقعالك ؟ [يكشف عن ذراعيه اللتين مازالتا
مقيدتين بالسلاسل ويلوح بهما فى وجه
الشرقاوى]

رحمى [نفضت إيدك من أفعالك .. وهل فى إمكانك
الاستقالة من أفعالك .. والانفصال عن ماضيك ..
والدم اللى سفكته ؟

رحمى [يصيح] الماضى انتهى خلاص .. أنا استقلت ..
أنا على المعاش .. محدش له عندى حاجة أنا
حابتدى من جديد .. حافتح صفحة جديدة من
حياتى .

الشرقاوى الماضى ما انتهاش .. الماضى عايش معاك ..
الماضى هما منتظر حرح المحكمة تحب يستدعى
لك الماضى [يخبط بالشاكوش الخشبى على
المنصة ويصيح] الحاجب ينادى على الماضى
[صدى الصوت يدوى فى أرجاء المحكمة :
الحاجب ينادى على الماضى]

الحاجب [ينادى من ورقة فى يده] . المجنى عليه وبيع
بشأى .. المجنى عليه جرجس بشأى . المجنى عليه
راغب بشأى [تنشق الأرض ويخرج منها
المجنى عليهم بملابس السجن والقيود فى
أيديهم .. وحول كل منهم هالة الضوء ..
الحاجب يستمر فى استدعاء الأسماء بصوت
أكثر شدة [سليم أبو الغيط .. سالم أبو الغيط ..
محمد أبو الغيط .. رضوان أبو الغيط] يخرجون

من الأرض فى لحظة مناداة أسمائهم [عم
بيومى .. أنيسة العالة .. شفيقة البنهاوية .. أم
لواظ .

[المسرح الآن ممتلئ بالوجوه والأشخاص
وكلهم بملابس السجن والقيود فى أيديهم ..
يشاورون على رحمى ويلغطون]

لشرقاوى [يدق بشاكوش على المنصة] سكوت من
فضلكم . إيه رايك فاكر الوجوه دى ؟

رحمى [مبهوتاً] جم منين دول .. دنا حكمت عليهم
بالإعدام .. شنقتهم كلهم .. إيه اللى جابهم ؟
[يصرخ] إيه اللى جابهم ؟

لشرقاوى تقدر تنفض إيدك منهم . [المجنى عليهم يلوحون
فى وجه رحمى ويتزايد لغطهم وضجيجهم
يرتفع على صوت المحكمة ويصك الأذان]

رحمى [يصرخ] : سكوت [يسد أذنيه] سكوت .
[يرتفع صوت الضجة .. يختلط بقهقهات
السخرية .. وإشارات الاستهزاء]

لشرقاوى [يدق بشاكوشه فتسكت الأصوات] . خلاص
مبقاش لك حكم عليهم دلوقتى .. ماتقدرش
تسكتهم دول فى عالم تانى غير خاضع لك .. هما
دلوقت اللى يسكتوك .

رحمى [ينقل بصره بينهم فى رعب] دول شياطين
 أشباح أرواح شريرة أنا حاصدر حكم
 بإعدامهم تاسى
 [كورس من الأصوات يردد فى سخرية : تانى ؟]
 رحمى [يصرخ] دى مهولة محكمة مشكلة من
 مجرمين قتلة سفاحين لصوص عصاة تتأمر
 للعبث برجل شريف
 [صفيح استهزاء .. ضحك .. كلهم يرددون فى
 كورس] شريف حد يقتل بستين جنبه فى
 البشهر الراس تقف باتنين جنبه بريال فى
 الجملة يا بلاش يا شرف
 رحمى 'أأطلب القصاص على هذه المحكمة المريعة فين
 البوليس'
 الشرفاوى مفيش بوليس هنا البوليس ده كان عندك فى
 العالم بتاعك العالم اللى تحليت عنه وتخلي
 عنك أنت دلوقتى لوحدك مفيش حد معاك
 رحمى : ربنا معايا ..
 كورس عشا الغلابة عليك يارب
 الشرفاوى ولا ربنا ..
 رحمى [يبكى] ربنا معايا أنا إنسان مظلوم
 كورس الراحل بيعيط زى ولأيا السيدة حاشيل مخلة

ويسرح على دب الله
 ومن امتى كنت نتاحد بالعدل الإلهى أنت شقت
 دول بعدلك ولا بالعدل الإلهى لما كانوا بيَقوبوا
 يارب كنت بتعمل فيهم إيه
 دول سفاحين مجرمين قتلة مايعرفوش
 ريت
 عرفت منين 'دخلت صميرهم'
 أنا كان قدامى أوراق دوسيه لكل واحد
 أوراق أوراق ده كل اللى تعرفه عنهم كل
 روح عندك عبارة عن ورقة إمضاء بلاع هى
 دى العدالة واللى ماعنوش أوراق واسى
 مايعرفش يكتب واللى مالوش محامى واللى
 مالوش شهود تعمل فيه إيه 'عم بيومى للى
 مالاقاش شاهد يشهد له عملت فيه إيه'
 [يصرخ من بين المجنى عليهم صرخة مدوية]
 إعدام يا بيه إعدام شقنى من غير رحمة ولا
 رافة
 رحمى [يصرخ] وعاوزنى أراف بقاتل سفاح يحرق
 ابنه بالجواز ويولع فيه
 عم بيومى [يصيح] برىء وعهد الله برىء ده انسى
 هو اللى حرق نفسه

رحمى كذاب .. ده قاتل أثيم .. الأدلة تدمغه .. وابنه اتهمه
قبل ما يموت .
الشرقاوى ننادى على ابنه اللى مات ونسأله .
الحبيب [ينادى] أحمد بيومى .. أحمد بيومى .
[تنشق الأرض ويخرج ولد سنه ١٢ سنة]
الشرقاوى تعال يابنى .. احك لى .. إيه اللى حصل ؟
محمد أنا اللى حرقت نفسى .. وقلت إن أبويا هو اللى
حرقنى .. عشان كان بيضربنى . كان دايماً
بيضربنى [يبكى] .
الشرقاوى [إلى رحمى] هيه .. إيه رأيك ؟
رحمى [فى صوت باك] الولد هو اللى غير أقواله
دلوقتى وأنا ذنبى إيه . وأنا أعمل إيه ؟
كورس يا سلام على العدالة يا سلام [يقلدونه] أنا
أعمل إيه .. أنا ذنبى إيه ؟
الشرقاوى . وأنيسة العالة ؟
رحمى أنيسة العالة قتلت جوزها وهو نايم باعتراهما فى
التحقيق .. قالت بلسانها إنها خنقته .. فيه إيه بعد
كده ؟
أنيسة [قولول بصوت مسرع] والنبي يا سعادة
البيه كنت ليلتها نائمة وملطوشة بالأفيون ما كنت
عارفة بأعمل إيه .. واتهيا لى إن الرجل سابنى

رحمى
أنيسة

حمى
نورس
الشرقاوى

الثلاثة

رحمى
الثلاثة

واتجوز على .. واتلبشت ما بقيت دارية بنفسى
وما قلتش الكلام ده ليه فى التحقيق ؟
خفت قالولى الأفيون حاويديكى فى داهية ..
حاتخدنى فيه ٢٥ سنة سجن .. ولما فقت لنفسى
مالتش للدنيا طعم من بعد المرحوم [تبكى] كان
عندى أموت مشنوقة ولا أطلع براءة وأعيش
بحرقته كنت حبه
واحدة مغفلة .. حاسم لها إيه ؟ أنا ذنبى إيه ؟
[يقلدوه] : أنا حاسم إيه ، أنا ذنبى إيه ؟
وعيلة أبو الغيط اللى شنقتهم بالجملة ؟
دول كمان حد يدافع عنهم .. أربع وحوش اتكاثروا
على واحد وقطعوه عشرين حبة وحطوه فى شوال
ورموه فى الساقية .. عاوزنا نعمل لهم إيه ..
نديهم نيشان ؟
[سالم ومحمود ورضوان أبو الغيط يتحدثون
فى وقت واحد]
الحق لله اللى قتل هو سليم أبو الغيط .. مأحد منا
مد إيده ..
واعترفوا ليه معاه ؟
إلا مالکش حق فيه دى يا سعادة البيه .. كله إلا
كده نا احنا عيلة واحدة .. والتار تارنا والعار

بالجوع .. بالجوع يا بيه يا متعلم !
 دا سلاح غير وارد فى المادة ٢٢٤ عقوبات
 ده سلاح بيقتل مجتمعات بحالها يا حضرة
 القاضى العظيم
 وأنا عايز وقائع حثيثيات شهود اعترافات
 احراز مش كلمة ، عايمه زى الحوع
 الشهود كانوا قدامك فى كل مكان فى
 الحواري والعيطان عيونهم بتقولك كل حاجة
 الشهود فى المحكمة قابوا لى إن ميشيل مارديكيان
 راجل شريف
 كدابين محترفين . اشتراهم بالفلوس
 وأنا ذنبى إيه وأنا حاعمل إيه إذا كان كل واحد
 بيكذب . وكل واحد بيغير أقواله
 كل واحد فى الدنيا بيغير أقواله وكل واحد
 بيكذب .. وأنت بتكذب .
 يبقى معيش قايده . يبقى ازاى حانوصل للعدالة
 : يبقى إيه لازمة الغرور .. ليه ندور القتل فى
 الناس
 لازم يكون فيه نظام
 اللى عملته هو الفوضى منتهى الفوضى
 حايز أكون أعدمت عشرة خطأ . لكن النظام

ورس

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

عارنا .. ومين حليشيل الدم إلا أصحابه ؟ وهيه
 عينة هانتبرى منها دا شرف كل واحد ينمى
 يصوله

عيلة أبو العيط عدم المؤاحدة يا بيه أصل سلو بلدنا كده

رحمى أما محانين صحيح

الشرقاوى هيه إيه رايت

رحمى وأنا أعمر إيه أعمر إيه إذا كان كل واحد

بيحصى الحقيقة

الشرقاوى طيب وقصيتى أنا فضل الشرقاوى

رحمى ودى فيها إيه كمان قاتل ومعترف ومتلبس قتل

مع سبق الإصرار والترصد عاير تاخذ إيه

حايضة نوبل

الشرقاوى أيوه لكن قتلت مير

رحمى ميشيل مارديكيان صاحب شونة التسليف

الراجل اللي سلفك .

الشرقاوى بالربا الفاحش

رحمى معيش إثبات

الشرقاوى واخذ أرضى

رحمى لسداد الدين المذكور أعلاه

الشرقاوى وقتل أولادى السبعة

رحمى بايه ، بالتزويم المغناطيسى

استتب نتيجة الخوف .

الشرقاوى : الذى استتب هو الإجرام .. القتل الذى أصبحت له
شركات زى حلبات صراع الثيران .. الحروب
العالمية التى بيتقتل فيها الملايين تحت ستار
الوطنية والشرف والعدالة .

رحمى وأنا مالى .. وأنا الذى باعمل الحروب كمان .

الشرقاوى : الذى يشعلها واحد زيك .. إنسان متبجح صفيق ..
بيقول .. عدالة . حق .. شرف .. نظام [وفى
خشونة] مجرم أثيم لا يكتفى بالإثم .. وإنما
يتباهى به .. الخطايا تغتفر لكن ما لا يغتفر .. هو
وقار الخطايا وعزة الآثام .. هالة الجلال التى
ماشى بيها فوق رأسك هيه دى الكدبة الكبرى التى
لا تغتفر .

رحمى انتو ناس مجانين .. عايزين مجتمع من غير
قضاة .. من غير نظام .. من غير عدل .

الشرقاوى : إحنا عاوزين نظام تكون فيه الرحمة فوق العدل .
رحمى طيب ما ترحمونى أنتو [يبكى] ما ترحمونى ..
رحمتكم اتسعّت لكل المجرمين [يشاور إلى
المجنى عليهم] القتلة دول وضاقّت بإنسان
شريف مظلوم زبى ..

الشرقاوى مظلوم إزاي بقى ؟! الأستاذ رحمى المستشار

الخطير مائة فدان فى المنوفية ووظيفة درجة أولى
بالسك القضائى .. دكتوراه من فرنسا .. وكلمة
مسموعة وهالة من التقديس والاحترام . ومظلوم ؟
ده أنا عيان .. أنا مريض بالسكر .. والروماتزم .
وتصلب الشرايين .. والزلزال .. والنقرس والكبد .

..مى

[المحكمة تططّق بالألسنة فى أسف ساخر]

..رس

مسكين مسكين غلبان

[فى أسف ساخر] : لا .. لا بأس عليك .. وليه

سرقاوى

تهمل نفسك كده ؟! ليه ماتروحش لدكتور ؟

مفيش دكتور عارف يعالجنى .. كل دكتور يكشف

رحمى

علىّ يقول لى أنت مهموم بتخيل أمراض مش

موجودة .

[المحكمة مازالت تططّق بألسنتها فى أسف]

: حرام . وليه تتخيل كثير كده ؟

اشرقاوى

أنت لازم واسع الخيال قوى

كورس

أنا إنسان مظلوم .

رحمى

أنت مؤلف مظالم .. مخترع شكاوى .

لشرقاوى

أعمل إيه .. أروح لمن ؟

رحمى

: روح للمجلس الأعلى للاختراع .. سجل اختراعاتك

الشرقاوى

دى هناك .. حرام تضيع المواهب الخطيرة دى من

غير ما تستغلها

رحمى

: أنت بتتريق ؟

الشرقاوى

أنا بنصحك لمصلحتك .

رحمى

مصلحتى " فيه حد فى الدنيا بي فكر فى
مصلحتى "

الشرقاوى

[يشاور على المجنى عليهم وعلى نفسه] كنت
اتشققنا من أجل مصلحتك عشان ما يتقار عنك
القاضى البزیه الحازم . مش مكهيك احنا كلنا "

رحمى

أما كنت بأخدم اعدالة

الشرقاوى

أنت كنت بتخدم نفسك

رحمى

أنا مظلوم ماحدش فاهمنى الكل خذلونى

حتى أصدقائى خذلونى حتى أهلى خذلونى

الشرقاوى

أنت أول واحد خدلت نفسك الأمراض اللي

بتقري جسمك هيه العقاب اللي أنزلته بنفسك ..

أنت حكمت على نفسك بالأحكام اللي حكمت بيها

علينا .. الموت .. الموت ببطء ..

رحمى

[يصرخ] لا لا

الشرقاوى

الموت ببطء فى الوهم والوسواس والخوف

رحمى

الرحمة الرحمة

الشرقاوى

اطلب الرحمة من نفسك . أنت الجانى . وأنت

المجنى عليه .

رحمى

مش معقول [يتحسس نفسه]

الشرقاوى

: أنت ألد أعداء نفسك .

رحمى

مش معقول ده كانوس انا عايش فى كابوس

أنتو أشباح أرواح شريرة كلكم أبالسة شياطين

أرواح نحسة أرواح مجرمين محكوم عليهم

بالإعدام وبالخلود فى جهنم إى الأبد

كورس

[ساخر] وأنت معنا فى الخلود بتاعا

رحمى

[يصرخ] أنا مش معاكو

لشرقاوى

حاتروح فىن منّا أنت استقلت خلاص ملكش

عيرنا المحكمة اتقعلت فى وشك وبيتك اتحرب

حاتروح لمين ؟

رحمى

[يتلفت حوله] حاروح لأمى

الموجودون

[يرددون فى صوت كئيب] إنا لله وإنا إليه

راجعون .

الشرقاوى

[فى حزن] أمك توفيت إلى رحمة الله البقية

فى حياتك .

رحمى

[يعوى من البكاء وينهار فى القفص]

أمى [ينادى بصوت معول] أمى أمى

[سكون تام لا أحد يرد]

لشرقاوى

الله يرحمها

رحمى

أمى [يبكي] ألاقىكى فىن يا أمى ؟

الشرقاوى

مش حاتلاقىها خلاص راحت العالم الثانى

رحمى

[يتجول ناظرًا حوله] : كوثر .. [يتلفت حوله
باحثًا] كوثر .. سبتينى ليه يا كوثر .. خننيتى ليه
يا كوثر .. جاموت من غير ما أشوفك .. جاموت
من غير ما أقول لك .. أحبك .. طول عمرى كان
نفسى أقول لك باحبك .

الشرقاوى

وما قلتش ليه ؟

رحمى

[يهز رأسه فى حيرة]

الشرقاوى

[سائلًا] كبير ؟

صوت مسدده

مهم ؟؟ عظيم ؟؟ وقور ؟؟ عاقل ؟؟ أكبر من الحب ؟؟

رحمى

لا أبداً .. أصغر من الحب

الشرقاوى

أصغر بكثير .. يدوبك على قد الكراهية .

رحمى

[يتلفت باحثًا مستنجدًا] كوثر .. كوثر ..

[تظهر كوثر فى دائرة من الضوء]

كوثر

.. أنت قتلت كوثر .

رحمى

قتلت نفسى

كوثر

أنا واحدة من ضحاياك محكوم عليها بالإعدام من
غير بنود ومن غير مواد فى دستور العقوبات
قتلتنى بالإهمال بالشك بالغيرة .. خنقتنى بحبل
العقل والوقار والمنطق .

رحمى

أنا « قاضى » .. أنا المنطق .. لو تحيزت بعواطفى
لإنسان حابقى أسوأ « قاضى » فى الوجود ..

نوثر

رحمى

كوثر

الشرقاوى

رحمى

الشرقاوى

رحمى

حابقى الإنسان الضعيف .

الإنسان الضعيف هو الإنسان الحقيقى .. هو
إنسان الحب .

كوثر ..

أنا مش كوثر .. كوثر انتهت .. أنت قتلتها بإيدك
من زمان .

وهذه هى الجريمة ١٨ فى ملف المتهم ١٨ ..
جريمة قتل .. إيه رأيك ؟

أنا مش فاهم حاجة .

أفكر دى قضية واضحة لا تحتاج إلى فهم .. بص
حوالك تلاقى كل ضحاياك .. كل جريمة من
جرايمك بتتكلم .. كل فعل من أفعالك يسعى على
قدميه .

[فى ضعف واستسلام] . كفاية .. اللي عايرين
تعملوه اعملوه .. عاقبونى وخلصونى .. ما عايش
لى حاجة أبكى عليها .. كل اللي كنت بأجرى وراءه
كان كذب فى كذب .. كل الناس كذابين .. ماحدث
فاهم حاجة .. الدنيا اللي عشتها بتفكرنى
بالروايات البايخة اللي كنا بنروحها زمان واحنا
عيال .. ونطلع نسقف ونقول .. سيما وأوانطه هاتوا
فلوسنا.. أنا كما عاوز أرجع التذاكر وآخذ

فلوسى.. خلاص .. هاتوا فلوسى .. عاوز أطلع .

[يضحك] تطلع فين ؟

عاوز أطلع بره

[يضحك] بره فين ؟! مفيش بره .

بره الاكاذيب دى ..

بره الاكاذيب دى فيه أكاذيب تانية .. كل العالم

اللى أنت فيه أكاذيب .. تطلع من كذبة تلاقى كذبة

[يضحك] أنت عارف أنت فين .. أنت فى جهنم ..

دى [يشير إلى ما حوله] اسمها جهنم .. واحنا

زبانية جهنم .. حانعيش طول عمرنا كده مع بعض

نطلعك من كذبة ندخلك فى كذبة .. نعذب فيك ..

وتعذب فينا إلى ما لا نهاية . إلى الأبد .

[فى رعب] مش معقول .. مش معقول

أبدأ .. هى دى الحقيقة ..

طيب وفيين النار ؟

النار فى قلوبنا [يشار على قلبه] .. جوه ..

اعوذ بالله .

وأنت مقضى عليك بالحياة زى طور الساقية اللى

متعمية عيه

.. وفيين المذنبين التانيين ؟! هو مفيش حد مذنب فى

الدنيا غيرى ؟! فين توفيق ؟ فين مراتى اللى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

خانتنى ؟ فين الناس اللى كذبوا على ؟ فين الناس

اللى غرروا بى ؟

ده سجن انفرادى

: ومفيش محاكمة .. مفيش حساب .

طول الوقت محاكمة .. حياتك كلها محاكمة ..

جلسة معقودة طوالى .. استجواب لا نهائى ..

طول عمرنا حانقعد نحاكم فيك .. احنا ورانا إيه !!

محاكمة من غير حكم .. مفيش نهاية .. مفيش

حكم .

: جايز يكون فيه حكم وحابر مايكونش فيه حكم

ماحدث يعرف

مفيش أمل ؟!

الأمل دى كلمة شاعرية .. مالهش معنى فى

قواميس الواقع اللى عندنا ..

: [يصرخ] . وانتظلم لمين ؟! فهمونى ؟

: انتظلم لنا برضه .. مفيش هيئة غيرنا .

: وفيه نتيجة للتظلم ؟

جايز يكون فيه نتيجة .. وجايز مايكونش فيه

نتيجة ماحدش يعرف ؟!

: [يصرخ] : مش معقول .. انتو عايزين تجنوني ..

[يبكي]

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

[هيئة المحكمة تططق بالسنتها في أسف]

الشرقاوى : لا .. لا .. عيب الكلام ده .. أنت راجل كبير ..
مستشار عظيم قد الدنيا .. قانونى عبرى .. لا ..
لا ..

[المحكمة تططق بالسنتها في أسف .. وتردد

في وقت واحد] وده برضه كلام .. واحد زيك
يعيط ؟ خليت إيه للعيال .. كويس كده الناس اللي
شنقتهم بيتفرجوا عليك يقولوا عليك إيه ؟ .

[صوت مدو يُسمع من خارج المسرح]

البوسطجى : تقرير الطبيب الشرعى وصل ..

[رضى ينتفض واقفاً في قفصه ويضئ وجهه

بالأمل .. ويبدو عليه التوتر والخوف ..
والفضول .. والهمة .. وهيئة المحكمة تعتدل في

أماكنها .. وتمتد أيديها نحو التقرير المجهول ..
يدخل رجل في زى « بوسطجى » يحمل رسالة ..

يتقدم بها إلى الشرقاوى .. الرسالة عبارة عن
لقافة طويلة من جلد الغزال تشبه الرسائل التي

كان يتبادلها السلاطين والخلفاء في غابر
الآزمان .. الشرقاوى يفض اللقافة .. اللقافة طويلة

جداً تتدلى على الأرض .. يمد الجميع أبصارهم
ليقرواها .. كل واحد يمسك بمطلع منها .. كلهم

يقراون في صوت واحد .. بصوت فيه رهبة]

- اتضح بالكشف الدقيق على المتهم رضى سعودى
أنه مجنون جنوناً مطبقاً .. وغير مسئول عن
أفعاله .

[تبدو الحيرة وعدم التصديق على الوجوه ..

يعودون إلى القراءة من جديد بنغمة أخرى]

- اتضح من الكشف الدقيق على المتهم رضى
سعودى .. أنه مجنون جنوناً مطبقاً .. وغير
مسئول عن أفعاله .

الشرقاوى : [يهز رأسه في إشفاق] : مسكين !

[صدى صوت كلمته يتردد على الشفاه .. وفي

ميكروفونات مركبة في أماكن مختلفة]

- مسكين .. مسكين !

[يلف اللقافة من جديد ببطء ويربطها بالرباط

الحرير .. همهمة ولغط في المحكمة يرتفع

رويداً رويداً حتى يصبح ضجة .. وجه رضى

أصفر شاحب ، ولكنه يبتسم ابتسامة مرتجفة]

بناءً على تقرير الطبيب الشرعى وحيث إنه ثبت

جنون المتهم المطبق وعدم مسئوليته عن أفعاله ..

نحكم بما هو آت .. براءة المتهم من الجرائم

المنسوبة إليه .. والإفراج عنه وإطلاق سراحه فوراً .

الشرقاوى

[لغط وهمهمة حتى تصبح ضجة .. إشارات استنكار .. وصيحات احتجاج .. المجنى عليهم يدقون الأرض بأرجلهم]
الشرقاوى : [يدق بشاكوشه] : وعلى حارس المحكمة أن يسلمه إلى أهله .
الحارس : [يفتح القفص ويسحب رحمى من يده إلى الخارج] : المتهم ملوش أهل يا أفندم .
الشرقاوى : إذن يسلم إلى ضميره .
[موسيقى تأثيرية عنيفة تعزف فيها كل الآلات فى وقت واحد .. أصوات كالصاعقة .. ثم تختفى المحكمة دفعة واحدة ، ويختفى الموجودون جميعهم وتبتلعهم الأرض .. لا أحد يبقى سوى رحمى .. واقفا وحده فى غرفة المكتب الواسعة التى يعمل بها فى نور الأباجرة المظلل الخافت .. مازال صدى الصوت يتردد فى ميكروفونات متعددة وبنغمات مختلفة]
صدى صوت خافت : يسلم إلى ضميره .
رحمى : مستحيل .. مستحيل .. أنا اتعذبت كفاية .
الصوت : [فى همس] : يسلم إلى ضميره .
رحمى : مستحيل .
الصوت : [فى همس خفيض] : يسلم إلى ضميره .

رحمى : مش ممكن أسلم نفسى لحد .
[يتلفت حوله .. يتجول باحثاً عن مخرج]
وحاروح فين ؟
[يتلفت فى جزع باحثاً فى ركن]
حا أهرب إزاي ؟
الصوت : يسلم إلى ضميره .
[رحمى ذراعاه مفتوحتان فى حيرة لا حد لها .. يتحسس الجدران بيديه باحثاً عن منفذ .. يحرك أكرة الباب ولكن الباب لا ينفتح وكل الأبواب لا تنفتح .. وتتسع عيناه من الذعر .. يخطب بيديه على كل مكان فى الجدار .. يخطب على الأبواب .. (الهمس يرتفع فيصبح خشنا) .
يسلم إلى ضميره .. يسلم إلى ضميره ..
رحمى : [يدق بجماع قبضته على الجدران] : الباب .. الباب ..
الباب .. فين الباب ؟
الصوت : يسلم إلى ضميره .
[صدى غليظ فضليح يرج المسرح .. رحمى ينهار باسماً ذراعيه فى استسلام .. تنفتح نافذة فى الغرفة .. يبدو منها وجه الأم غارقاً فى الضوء .. وجهها شاب .. لقد عادت إلى شبابها]
الأم : [فى حنان] مالك يا بنى ؟

رحمى : أنتَ فِين يا أمى !؟ قالو لى إنك مُتُّ يا أمى .

الأم : مفيش حد بي موت يا بنى .

رحمى : لكن أنت رجعتى شابة يا أمى .

الأم : القلوب الطيبة ما تعرفش الشيخوخة .. الشيخوخة

فى الدنيا بس .. لكن هنا مفيش شيخوخة .

رحمى : لكن أنت معانا فى الدنيا .. أنت بتتكلّمى من الدنيا

يا أمى ؟

الأم : أنا مش فى الدنيا .. أنا انتقلت .

رحمى : يبقى هم ما كدبوش على .. تبقى أنت ميتة ..

الأم : الموت ملوش وجود .. احنا بتغير العنوان .. كل

اللى بيحصل إن احنا بتغير العنوان .

رحمى : لكن الدنيا اللى أنت فيها جميلة يا أمى .. كلها نور

نفسى آجى عندك .

الأم : تعالَ يا بنى ..

رحمى : آجى إزاي والأبواب كلها مقفولة على .. أنا

مسجون .

الأم : أنت اللى قفلت على نفسك .. أنت اللى سجنك

نفسك ربنا ببساع فى رحمته كل الناس .. لكن أنت

اللى حرمت نفسك من رحمة الله .. قفلت عقلك مش

عايز تصدق .. قفلت قلبك مش عايز تحب .. خنقت

عواطفك مش عايز ترحم .. مش عايز تأمن باى

رحمى

الأم

رحمى

الأم

رحمى

الأم

رحمى

حاجة .. أنت اللى بنيت حواليك الجدران دى كلها .

: [يخبط فى الجدران] : مش معقول يا أمى ..

أنت بتضحكى عليه .. أنت فكرانى لسه طفل صغير

.. أنت ميتة يا أمى .. وبتضحكى على .

: مفيش موت يا بنى .

: حا أزورك فى القرافة .. كل الميتين هناك .

: مش حاتلاقينى .. حاتلاقينى مجرد جسم .. مجرد

تراب .. ورقة غياب .

: [يصرخ] : يعنى إيه ؟! يعنى احنا مش حانموت

أبدًا .. يعنى مفيش نهاية ؟

: [فى هدوء] : مفيش نهاية ..


: [يستدير فى يأس يواجه الصالة ويصيح

بصوت جهورى] : سامعين .. يعنى .. مفيش

نهاية [ينهار تمامًا] .



قطاع الثقافة
والكتب والمكتبات



6 2